

# 台語馬太福音

范秉添牧師 整理

# 簡介

作者：馬太


日期：**66-68AD**

地點：耶路撒冷

對象：猶太人

目的：

證明耶穌是基督，是佇舊約聖經中，  
上帝賜給以色列人的彌賽亞，  
伊是天國的君王，  
嘛是全人類的救主。



馬太福音

馬可福音

路加福音

約翰福音



基督是

君王

僕人

人子

神子

核心是

天國  
永活

上帝的國  
永活

上帝的國  
樂園

上帝的國  
永活  
父的家

# 重建大闢的王國（以色列國）

- 雖然以色列國滅亡，  
但是大闢的後代會乎興起來，  
彼時人攏佇等候大闢的後代—彌賽亞若伊來到，
- 就會重建給巴比倫滅亡的王國。  
巴比倫滅亡以後，  
先後給波斯、希臘、羅馬帝國統治，  
重建大闢王國，是彼時個最大的盼望。

# 天國（上帝的國）

- 對彼時，耶穌開始宣揚講：著悔改，因為天國啲欲實現啦！（太4:17）
- 耶穌來到世間所介紹的天國，有諸個名出現：
- 天國、上帝的國、永活、樂園、父的家、新天新地。  
天國是場所，此國不是佇地面，是佇天頂。保羅叫此是第三層天，個所生活的地球是第一層天，宇宙是第二層天，天國是第三層天。
- 上帝的國、說明此國不是人所建立，是上帝所建立的。  
。永活、指永遠的國。樂園，指彼國是喜樂的園。
- 父的家、指慈愛的天父，為伊的子女所準備的厝。

# 上帝及大闢所立的約：

到你的歲壽滿，轉去你的祖先遐的時，我欲選立你的後代，你的親生子，來續接你，閣欲互伊的國穩固。伊欲為著我的名起聖殿；我欲堅固伊的王位直到永遠。  
。（撒下7：12-13）

1. 繼承人（所羅門）影 模型—指（耶穌基督）實體
2. 國位永存（以色列國）影 模型—指（天國）實體

天使對伊講：馬利亞，毋免驚，因為你有得著上帝賜福。你會懷孕生一個後生，你著給伊號名叫做耶穌。伊會做大人物，人會稱呼伊做至高上帝的子。主上帝會將伊祖先大闢的王位互伊。伊會永遠統治雅各的子孫；伊的王國無窮盡。（路1：30-33）

# 上帝及人相連有三種的職份

---

替上帝來傳講信息的，咱叫做先知；

替百姓來獻贖罪祭的，咱叫做祭司；



替上帝來管理百姓的，咱叫做君王；

# 彌賽亞是什麼意思

彌賽亞就是受膏者的意思。

受膏者；

佇舊約的時代，領受此三種職份的人，  
是用油來膏，佢啲叫做彌賽亞。



# 等候彌賽亞君王


- 先知對百姓講，有一位君王要來，
- 個想到君王，就認為是彌賽亞，
- 個佇等候此三種職份中的君王，  
大闢的後代彌賽亞，  
伊來是要重建大闢的王國。
- 耶穌的時代，  
人攏佇等候，此款  
的彌賽亞來到。  
耶穌：是伊的名； 基督：是伊的職位；  
以馬內利：是伊的身份。

# 上帝永遠的計畫

## 1 啟示天國

## 2 啟示救贖

死人閣活  
活人改變



天國  
(上帝國)

舊約 (模型)

新約 (實體)



上帝國的開始  
(創1.2章)  
伊甸園

上帝國的完成  
(啟21.22章)  
新天新地


創3-11章

創12章~書

士~瑪

四福音書

使徒書信



三層天  
父的家

新天新地  
上帝的國  
樂園 永活

天國


第二層天

第一層天

# 聖經見證的天國（上帝國）

## ■ 天國的性質有三種

### ① 現實存佇的天國（實體）



### ② 成就佇世間的天國（模型）

### ③ 佇歷史中完成的天國



# 馬太福音大綱

---


- |                 |                   |
|-----------------|-------------------|
| 一、耶穌基督的家譜及降生    | <b>1:1-2:23</b>   |
| 二、施洗約翰的工作       | <b>3:1-3:12</b>   |
| 三、耶穌的洗禮及受試探     | <b>3:13-4:11</b>  |
| 四、耶穌佇加利利的宣道工作   | <b>4:12-18:35</b> |
| 五、加利利到耶路撒冷      | <b>19:1-20:34</b> |
| 六、最後一禮拜佇耶路撒冷及附近 | <b>21:1-27:66</b> |
| 七、耶穌的閣活及顯現      | <b>28:1-28:20</b> |





這是耶穌**基督**的家譜：耶穌是大關的後代，大關是亞伯拉罕的後代。亞伯拉罕生以撒，以撒生雅各，雅各生猶大及伊的兄弟。猶大對她瑪生法勒斯及謝拉，法勒斯生希斯崙，希斯崙生亞蘭，亞蘭生亞米拿達，亞米拿達生拿順，拿順生撒門，撒門對喇合生波阿斯，波阿斯對路得生俄備得，俄備得生耶西，耶西生大關王。大關對烏利亞的某生所羅門，（太1:1-6）



所羅門生羅波安，羅波安生亞比雅，亞比雅生亞撒，亞撒生約沙法，約沙法生約蘭，約蘭生烏西亞，烏西亞生約坦，約坦生亞哈斯，亞哈斯生希西家，希西家生瑪拿西，瑪拿西生阿摩司，阿摩司生約西亞。以色列人受遷徙去巴比倫的時，約西亞生約雅斤及伊的兄弟。  
(太1:7-11)



受遷徙去巴比倫以後，約雅斤生撒拉鐵，撒拉鐵生所羅巴伯，所羅巴伯生亞比玉，亞比玉生以利亞敬，以利亞敬生亞所，亞所生撒督，撒督生亞金，亞金生以律，以律生以利亞撒，以利亞撒生馬但，馬但生雅各，雅各生約瑟，約瑟是馬利亞的丈夫；彼個稱做**基督**的耶穌是對此個馬利亞生的。按呢，對亞伯拉罕到大關攏總有十四代，對大關到受遷徙去巴比倫有十四代，對受遷徙去巴比倫到**基督**嘛有十四代。(太1:12-17)





耶穌**基督**出世的經過是按呢：伊的老母馬利亞已經及約瑟定婚，猶未結婚就對聖神懷孕。伊的未婚夫約瑟是正直的人，無愛互伊仔人的面前見笑，想欲暗中解除婚約。伊啲想此個代誌的時，仔眠夢中，主的天使對伊出現，講：**大關的後代**約瑟，毋免驚，著娶馬利亞入門做某，因為伊所懷孕的胎是對聖神來的。（太1:18-20）




伊會生一個查甫子，你著給伊號名叫做耶穌，因為伊欲救伊的子民脫離個的罪。這一切的事發生是欲應驗主託先知所講的話：你看，在室女會懷孕生子，伊的名欲叫做以馬內利。「以馬內利」的意思是「上帝及咱同在」。(太1:21-23)



約瑟一下睏醒，就照主的天使所吩咐娶馬利亞入門做某，不過此個查甫子猶未出世以前無及馬利亞同房。嬰仔出世，約瑟就給伊號名叫做耶穌。(太1:24-25)




希律作王的時，耶穌仔猶太的伯利恆出世。有幾若個星象家對東方來到耶路撒冷。佢問講：彼個出世做猶太人的王的仔什麼所在？阮有看著伊的星出現，專工來欲拜伊。(太2:1-2)



希律王聽著，心內著急不安；耶路撒冷全城的人嘛是按呢。伊就召集所有的祭司長及民間的經學教師，問佢講：**基督**應該佇什麼所在出世？（太2:3-4）




個應講：猶太的伯利恆。因為先知有按呢記載：猶大地區的伯利恆啊，你佇猶大城市中毋是上微細的；因為有一個領袖會對你選出來，伊欲牧養我的子民以色列。（太2:5-6）




希律就暗中召彼幾個星象家，詳細給佢問彼粒星什麼時出現。後來，伊差佢去伯利恆，講：恁去詳細查問關係此個細漢囡仔的事；尋著，著來報我知，我嘛通去拜伊。(太2:7-8)



個聽王的話就去。個佇東方看著的彼粒星做頭導個，來到彼個細漢  
囡仔的所在就停佇頂面。(太2:9)




個看著彼粒星，非常歡喜。個入去厝內，看著細漢囡仔及伊的老母馬利亞，就仆落去拜伊，然後開個的寶盒，將黃金、乳香，及沒藥做禮物獻互伊。後來，佇眠夢中上帝指示個毋通倒去希律遐，個就對別條路倒去本國。(太2:10-12)





星象家離開了後，主的天使佇約瑟的眠夢中對伊出現，講：起來，導細漢囡仔及伊的老母逃走去埃及，住遐到我講通離開的時，因為希律啲尋此個細漢囡仔，欲給伊剖死。約瑟就起來，導細漢囡仔及伊的老母透暝離開去埃及，住佇遐到希律死。這是欲應驗主通過先知所講的話：我有召我的子出埃及。（太2:13-15）



希律一下知家已互星象家騙去，非常受氣，就差人將伯利恆以及周圍所有的查甫囡仔，照伊對星象家詳細查問的時算起，兩歲以下的攞剖死。此個代誌有應驗主通過先知耶利米所講的話：佇拉瑪有聽著聲，啼哭真悲傷；蕾潔為著伊的子兒啲哭，毋肯受安慰，因為佢攞無去啦。(太2:16-18)





希律死以後，主的天使佇埃及，佇約瑟的眠夢中對伊出現，講：起來，導細漢囡仔及伊的老母倒去以色列地；因為欲害細漢囡仔的性命許個人已經死。（太2:19-20）




約瑟就起來，導細漢囡仔及伊的老母倒去以色列地。約瑟聽見亞基老續接伊的老父希律做猶太的王，毋敢倒去遐；後來佇眠夢中得著指示，就退去加利利境內，到一個城叫做拿撒勒，住佇遐。這是欲應驗主通過先知所講的話：伊欲叫做拿撒勒人。（太2:21-23）

# 馬太福音大綱


- |                 |                   |
|-----------------|-------------------|
| 一、耶穌基督个家譜摺降生    | <b>1:1-2:23</b>   |
| 二、施洗約翰个工作       | <b>3:1-3:12</b>   |
| 三、耶穌个洗禮摺受試探     | <b>3:13-4:11</b>  |
| 四、耶穌在加利利个宣道工作   | <b>4:12-18:35</b> |
| 五、從加利利到耶路撒冷     | <b>19:1-20:34</b> |
| 六、最尾一禮拜在耶路撒冷摺附近 | <b>21:1-27:66</b> |
| 七、耶穌个復活摺顯現      | <b>28:1-28:20</b> |



當時，施洗者約翰來猶太的曠野啲傳道。伊宣揚講：恁著悔改，因為**天國**啲欲實現啦！此個人就是先知以賽亞所啲講的：有聲仔曠野啲喝：著為主準備道路，為伊修直小路。約翰穿駱駝毛的衫，腰繕皮帶，所食的是草蜢及野蜜。（太3:1-4）



有真多人對耶路撒冷、猶太逐所在，及約旦河一帶來伊遐，認罪，佇約旦河對伊領受洗禮。(太3:5-6)



約翰看著真多法利賽派及撒都該派的人嘛來領受洗禮，就對佢講：  
恁諸個毒蛇，什麼人警告恁閃避上帝啲欲發的受氣？著用行為證明  
恁有悔改。恁毋通家己想講『亞伯拉罕是阮的祖先』，我給恁講，  
上帝會當用諸個石頭造子孫互亞伯拉罕。（太3:7-9）



斧頭已經靠佇樹頭；所有無結好果子的樹攏欲給剉起來，抗落火。  
(太3:10)



我用水給恁洗禮，表示恁已經有悔改；毋拘佇我後面啲來彼位比我較有權能，我連給伊揸鞋都膾堪得；伊欲用聖神及火給恁洗禮。  
(太3:11)

伊的手提簸箕，欲將麥垵的麥簸清氣，麥仔收入倉庫，麥芒就用燬化的火給伊燒掉。(太3:12)





# 馬太福音大綱

---


- |                 |            |
|-----------------|------------|
| 一、耶穌基督的家譜及降生    | 1:1-2:23   |
| 二、施洗約翰的工作       | 3:1-3:12   |
| 三、耶穌的洗禮及受試探     | 3:13-4:11  |
| 四、耶穌佇加利利的宣道工作   | 4:12-18:35 |
| 五、加利利到耶路撒冷      | 19:1-20:34 |
| 六、最後一禮拜佇耶路撒冷及附近 | 21:1-27:66 |
| 七、耶穌的閣活及顯現      | 28:1-28:20 |




彼時，耶穌對加利利來約旦河約翰，欲對伊領受洗禮。約翰欲給伊阻止，講：我應該對你領受洗禮，你反轉來尋我？耶穌應講：咱現在按呢做才合上帝一切的要求。約翰就同意。(太3:13-15)





耶穌領受洗禮以後隨時對水裡起來；忽然天為著伊開，伊看見上帝的神親像粉鳥降落來，歇佇伊身上。閣對天有聲講：此個是我所疼的子，伊，我真意愛。（太3:16-17）



後來，耶穌互聖神導去曠野，佇遐受魔鬼試探。耶穌禁食四十暝日，後來就枵。試探者倚來對伊講：既然你是**上帝的子**，命令諸個石頭變做餅！耶穌應講：聖經有記載：人啲活毋若倚靠餅，是倚靠對上帝的嘴所出的逐句話。（太4:1-4）



然後，魔鬼導耶穌入去聖殿，互伊倚佇聖殿厝頂上高的所在，對伊講：既然你是**上帝的子**，跳落去！因為聖經有記載：上帝會為著你命令伊的天使，佢會用手扶你，互你的腳膾磕著石頭。耶穌應講：聖經閣有記載：毋通試探主 — 你的上帝。(太4:5-7)




魔鬼閣導耶穌上一個真高的山，將世上萬國及個的榮華互伊看，對伊講：你若仆落來拜我，諸個一切我攏互你。耶穌應講：撒旦，走！聖經有記載：著拜主 — 你的上帝，只有服事伊。然後魔鬼離開耶穌；有天使來給伊侍候。(太4:8-11)

# 馬太福音大綱

---

- |                 |            |
|-----------------|------------|
| 一、耶穌基督的家譜及降生    | 1:1-2:23   |
| 二、施洗約翰的工作       | 3:1-3:12   |
| 三、耶穌的洗禮及受試探     | 3:13-4:11  |
| 四、耶穌在加利利的宣道工作   | 4:12-18:35 |
| 五、加利利到耶路撒冷      | 19:1-20:34 |
| 六、最後一禮拜在耶路撒冷及附近 | 21:1-27:66 |
| 七、耶穌的閣活及顯現      | 28:1-28:20 |



耶穌聽著約翰互人掠去就退去加利利。伊離開拿撒勒去住佇西布倫及拿弗他利地區，加利利湖邊的迦百農。這是欲應驗通過先知以賽亞所講的話：西布倫的地，拿弗他利的地，沿海的路，約旦河東岸，外邦人的加利利，1店佇烏暗中的人有看見大光；1店佇死蔭的地有光照個。（太4:12-16）




對彼時，耶穌開始宣揚講：著悔改，因為天國啲欲實現啦！耶穌佇加利利湖邊啲行的時，看著兩個兄弟，叫做彼得的西門及伊的小弟安得烈，佇湖裡啲拋網，因為佢是掠魚的。伊對佢講：來隨我，我欲互恁得著人親像掠魚的得著魚。佢隨時給網放咧，去隨耶穌。  
(太4:17-20)





耶穌行進前，看著另外兩個兄弟，西庇太的子雅各及伊的小弟約翰。佢及老父西庇太佇船頂啲整理網，伊就呼召佢。佢隨時將船及老父放咧，去隨耶穌。耶穌到加利利逐所在，佇佢的會堂教示人，傳天國的福音，醫好民間逐款的病症。（太4:21-23）




伊的名聲傳到敘利亞的逐所在。人將所有的病人，就是邪神附身、羊眩，及半身不遂等，患著逐款症頭及病疼的人攏導來伊邊，伊就給個醫好。 25 有一大陣人對加利利、低加坡里、耶路撒冷、猶太，及約旦河東岸來隨伊。(太4:24-25)




耶穌看著一大陣人，就足百上山。伊坐落去，門徒倚來， 2就開始教示佢，講：心靈散赤的人真有福氣，因為天國是此款人的。(太5:1-3)




憂傷的人真有福氣，因為上帝會給個安慰。溫柔的人真有福氣，因為上帝會互個承受應允的土地。枵嘴焦欣慕上帝旨意實現的人真有福氣，因為上帝會互個飽足。勢憐憫的人真有福氣，因為上帝會給個憐憫。（太5:4-7）



心清氣的人真有福氣，因為佢會見著上帝。促進和平的人真有福氣，因為佢會成做上帝的子兒。為著實踐上帝的旨意受迫害的人真有福氣，因為天國是此款人的。(太5:8-10)



為著我的緣故，人給恁侮辱，迫害，講逐款歹話誹謗，恁真有福氣。著歡喜快樂，因為恁佇天頂的報賞真大；恁以前的先知嘛曾按呢受迫害。（太5:11-12）



恁是地上的鹽；鹽若失味，欲按怎互伊閣鹹？鹽失味就無路用，只有捱揀，互人踐踏。（太5:13）



你是世間的光。起佇山頂的城蓋牆牢。人點燈了後牆用斗給伊蓋起來，一定會給伊跪佇燈台頂，通給厝內所有的人照光。親像按呢，你的光著照佇人的面前，通互個看見你的好行為來榮光你的天父。(太5:14-16)




毋通想講我來是欲廢除摩西的律法抑是先知的教示。我來毋是欲廢除，是欲實現。我實在給恁講，天及地會消失，律法的一點一劃絕對殫消失，攏會實現。所以，無論什麼人犯著諸個誡命上細的一條，閣教人按呢去犯，佇天國伊算做是上細的。無論什麼人家已遵守，嘛教人遵守，佇天國此個人算做是上大的。我給恁講，恁若無比經學教師及法利賽派的人閣較忠實遵守上帝的旨意，絕對殫當入天國。  
(太5:17-20)




恁有聽著律法按呢教示古早人，講：『毋通害死人；害死人的著受審判。毋拘我給恁講，對兄弟抑是姊妹發受氣，攏著受審判。無論什麼人罵兄弟抑是姊妹『廢人』，著上法庭；罵兄弟抑是姊妹『俅戇』，著受地獄的火燒。（太5:21-22）



所以，你佇祭壇欲獻禮物的時，若想著你的兄弟抑是姊妹對你有不滿，著將禮物放下佇祭壇前，先去及伊和好，然後才來獻禮物。人給你控告，欲拖你去法庭，猶佇路中的時著趕緊及伊和解，才免互控告你的人給你交互判官，判官給你交互法警去關監。我實在給你講，最後的一仙五釐無還清楚，你絕對膾當出監。(太5:23-25)



有聽著律法按呢教示講：毋通姦淫。毋拘我給恁講，人若用邪念看婦女，已經佇心內犯姦淫。你的正目若引起你犯罪，著給伊挖抗确，寧可失去身軀的一部份，比歸身軀好好抗落地獄較好。你的正手若引起你犯罪，著給伊斬抗确，寧可失去身軀的一部份，比歸身軀好好抗落地獄較好。（太5:26-30）



閣有律法按呢講：人若欲離伊的某，著互伊離婚書。毋拘我給恁講，若毋是因為某不貞，毋通給伊離，因為伊若閣去嫁就是害伊犯姦淫；娶此個離婚的婦女的人嘛是犯姦淫。（太5:31-32）



恁閣有聽著律法按呢教示古早人，講：毋通違背所下的願，佇主面前下願著實行。毋拘我給恁講，攏毋通咒誓。毋通指天咒誓，因為天是上帝的寶座；嘛毋通指地咒誓，因為地是上帝的腳砧；嘛毋通指耶路撒冷咒誓，因為耶路撒冷是大君王的城。（太5:33-35）



嘛毋通指你的頭殼咒誓，因為你膾當互一支頭毛變烏抑是變白。恁講話，是，就講是，毋是，就講毋是；其他加講的是對邪惡者出來的。（太5:36-37）



恁有聽著律法按呢教示講：目睷賠目睷；嘴齒賠嘴齒。毋拘我給恁講，毋通抵抗作惡的人。人若搨你正旁的嘴齨，連倒旁嘛越互伊搨。（太5:38-39）

人若告你，欲提你的內衫，連外衫嘛互伊。(太5:40)




短袖裏衣

外衣



長袖裏衣

佔領軍的軍人若強迫你行一里路，著及伊行兩里。人若對你求，著互伊；給你借，毋通拒絕。（太5:41-42）








恁有聽著此款教示：著疼你的厝邊，怨恨你的對敵。毋拘我給恁講，著疼恁的對敵，替迫害恁的人祈禱。按呢，恁才會當成做恁天父的子兒，因為伊互日頭出來照歹人及好人，嘛落雨互義人及不義的人。  
(太5:43-45)





因為恁若干焦疼許個疼恁的人，有什麼報賞？豈毋是連許個貿稅的嘛按呢做？恁若只有對家己的兄弟抑是姊妹請安，有什麼比別人較特別？豈毋是連外邦人嘛按呢做？既然恁的天父是完全，恁嘛著完全。（太5:46-48）





著謹慎，毋通為著欲互人看才故意佇人的面前展恁的敬虔；按呢做  
膾當對恁的天父得著報賞。所以，你賑濟的時，毋通先歎喇叭報人  
知，親像假好的人佇會堂及街路按呢做，愛互人謳佬。我實在給恁  
講，佢已經得著個的報賞啦。（太6:1-2）



你賑濟的時，毋通互你的倒手知正手的所做，互你通恬恬仔賑濟，恬恬仔啲看的你的父會給你報賞。(太6:3-4)





恁祈禱的時，毋通親像假好的人，因為佢愛互人看，故意倚佇會堂抑是路口祈禱。我實在給恁講，佢已經得著報賞啦。你祈禱的時，著入去房間內，關門，對你恬恬仔啲看的父求，按呢恬恬仔啲看的你的父會給你報賞。恁祈禱的時，毋通親像外邦人講了閣講，因為佢想，講較多話上帝才會聽見。恁毋通及佢像款；因為猶未求以前，恁的父已經知恁的需要。（太6:5-8）



所以，恁著按呢祈禱： 阮的天父： 願你的聖名受尊崇。願你施行主權； 願你的旨意實現， 佇地上親像佇天頂。求你今仔日賜阮需要的食物。求你赦免阮的辜負， 親像阮嘛有赦免辜負阮的人。求你毋通互阮陷落擔當膾起的試探， 救阮脫離彼個邪惡者。（太6:9-13）




恁若赦免人的過失，恁的天父嘛會赦免恁；恁若無赦免人，恁的天父嘛膾赦免恁的過失。（太6:14-15）




恁禁食的時，毋通親像假好的人憂頭結面；因為佢故意互面歹看，愛互人看出佢啲禁食。我實在給恁講，佢已經得著報賞啦。你禁食的時，頭毛著抹油，面著洗，互人看齣出你啲禁食，只有互恬恬仔啲看的父看見，按呢恬恬仔啲看的你的父會給你報賞。（太6:16-18）



毋通為著家己積聚財寶佇地上，佇遮有蟲咬，會生鏽，賊會挖孔偷提。著為著家己積聚財寶佇天頂，佇遐無蟲咬，猶生鏽，無賊挖孔偷提。因為你的財寶佇叨位，你的心嘛會佇遐。(太6:19-21)



目矚是身軀的燈。你的目矚若金，歸身軀就光明；你的目矚若花，歸身軀就烏暗。按呢，你內面的光若變做暗，此個烏暗是佢仔呢嚴重！（太6:22-23）





無人會當服事兩個主人；伊若毋是怨恨此個，疼彼個，就是看重此個，看輕彼個。恁膾當像時服事上帝閣服事錢財。所以，我給恁講，毋通為著恁的性命欲食什麼，欲飲什麼啲操煩；嘛毋通為著恁的身軀欲穿什麼啲操煩。性命豈毋是比食物較重要？身軀豈毋是比衣服較重要？（太6:24-25）



恁看空中的飛鳥，佢無種作，無收成，嘛無囤積糧食佇倉庫，恁的天父嘛啲給佢養飼。恁豈無比佢較貴重？（太6:26）




恁豈有人想講操煩會當互家己的性命加活一時仔久？恁哪著因為欲穿什麼操煩？恁想看山野的花按怎啲大儂；佢無勞苦，嘛無紡織。不過我給恁講，連所羅門上榮華的時，伊穿的衫都無比諸個花的一蕊閣較嬌。山野的花草今仔日啲活，明仔載互人抗落火爐，上帝都按呢給佢妝飾，伊豈儻閣較給恁妝飾？恁哪即呢無信心！  
(太6:27-30)



所以，恁毋免操煩講『阮欲食什麼』抑是『阮欲飲什麼，欲穿什麼』。諸個攏是外邦人啲追求的。恁的天父知諸個攏是恁所需要的。著先追求伊的主權及伊的旨意實現，諸個物件就會攏續互恁。所以，毋通為著明仔載操煩；明仔載的代誌明仔載才操煩。一日的艱苦一日當。(太6:31-34)



毋通批判人，才免受上帝審判。因為你用什麼標準批判人，上帝嘛會照按呢給恁審判；恁用什麼量量互人，上帝嘛會照按呢量互恁。你哪干焦啲看兄弟目矚內的柴幼仔，亦無注意著家己目矚內有柴箍？你家己目矚內有柴箍，哪會當給你的兄弟講「你目矚內有柴幼仔，我給你提出來」？假好的人，家己目矚內的柴箍著先提出來，才會當看清楚通給兄弟目矚內的柴幼仔提出來。 6(太7:1-5)



毋通提神聖的物互狗，佢會越過來咬恁；嘛毋通將恁的真珠抗佇豬的面前，佢會用腳踐踏。(太7:6)



求，會得著；尋，會尋著；拍門，會給恁開。因為求的，就得著；尋的，就尋著；拍門的，就給伊開。恁中間豈有人，個子給伊討麵包，會提石頭互伊？給伊討魚，會掠蛇互伊？（太7:7-10）



恁雖然歹，猶會曉提好物互恁的子兒，何況恁的天父，伊一定會提好物互對伊祈求的人！所以，恁愛人按怎對待恁，嘛著按呢對待佢。這就是律法及先知的教示。(太7:11-12)



恁著對彼個狹的門入去；因為迴到滅亡彼個門闊，彼條路好行，入去的人真多。迴到活命彼個門狹，彼條路細，尋著的人真少。  
(太7:13-14)




著防備假先知。佢來恁遮，外表親像綿羊，內面卻是兇惡的豺狼。(太7:15)



恁會當對佢的果子來識佢。豈會當對荊帕挽葡萄？抑是對蒺藜挽無花果？按呢，好樹結好果子；歹樹結歹果子。好樹儻結歹果子；歹樹嘛儻結好果子。儻結好果子的樹攞著剉起來，揸落火。按呢，恁會當對佢的果子來識佢。（太7:16-20）





稱呼我「主啊，主啊」的人，**儻**攞入**天國**；只有實行我的天父的旨意的人才會。佇彼日，有真多人會對我講：主啊，主啊，阮豈毋是曾奉你的名傳信息，曾奉你的名趕鬼，曾奉你的名行真多神跡？彼時我會明明對佢講：我攞毋識恁。恁諸個做歹的人，攞離開我！（太7:21-23）





所以，聽我諸個話閣實行的人攏親像聰明的人給厝起佇石磐頂，  
雨潑，大水來，風掃，沖著厝，厝嘛癩倒，因為起佇石磐頂。  
(太7:24-25)

聽我諸個話無實行的人親像戇人給厝起佇沙頂，雨潑，大水來，風掃，沖著厝，厝就倒，閣倒甲真厲害。耶穌諸個話講煞，群眾對伊的教示感覺非常希奇，因為伊的教示真有權威，及佢的經學教師無全款。（太7:26-29）


耶穌對山頂落來的時，有歸大陣的人隨伊。抵彼時，有一個痲瘋病人行倚來，跪落去伊的面前，講：主啊，你若肯，會當互我清氣。  
(太8:1-2)




耶穌伸手給伊摸，講：我肯，互你清氣！伊的痲瘋病隨時清氣。耶穌給伊講：著注意，攏毋通給人講。不過著去互祭司驗，閣照摩西的規定獻禮物，通對眾人證明。(太8:3-4)





耶穌入去迦百農的時，有一個羅馬軍官行倚來給伊懇求，講：主啊，我的僕人半身不遂倒佇厝內，非常艱苦。耶穌給伊講：我來去給伊醫治。軍官應講：主啊，你來阮兜，我艱堪得。你干焦講一句話，我的僕人就會好。因為我是互人管的人，嘛有兵互我管。我給此個講『去』，伊就去；給別個講『來』，伊就來；給我的僕人講『你做此個』，伊就去做。（太8:5-9）




耶穌聽了感覺真意外，就對許個隨伊的人講：我實在給恁講，連佇以色列人的中間，我都猶毋曾看著此款的信心。我給恁講，有真多人會對東對西來及亞伯拉罕、以撒、雅各佇天國坐桌。不過許個本來是天國的子兒的，反轉會受趕出去外面烏暗的所在，佇遐啼哭，咬牙切齒。(太8:10-12)



然後耶穌對彼個軍官講：你去，互你所信的實現！抵抵彼時，僕人的病就好去。（太8:13）




耶穌入去彼得個兜，看著伊的丈姆發熱，倒佇眠床。耶穌摸伊的手，熱退去，伊就起來侍候伊。黃昏的時，有一寡人導真多互邪神附身的人來耶穌遇。伊用一句話就給邪神攏趕出去，閣醫好所有的病人。這是欲應驗通過先知以賽亞所講的話：伊承受咱的軟弱，擔當咱的病疼。(太8:14-17)




耶穌看著一大陣人圍佇伊周圍，就吩咐門徒過去湖的彼旁岸。有一個經學教師行倚來給伊講：老師，你無論去叨位，我攏欲隨你。耶穌應講：狐狸有孔，空中的鳥有巢，不過人子連靠頭殼的所在都無。另外一個門徒給耶穌講：主啊，聽候阮序大人百歲年老，我就來隨你。耶穌應講：來隨我，互死人去埋葬佢家己的死人！（太8:18-22）

耶穌上船，伊的門徒隨  
伊去。忽然，湖起大風  
湧，船煞互湧蓋甲欲沉  
落去，毋拘耶穌啲睏。  
門徒去給伊叫醒，講：  
主啊，救咧噢，咱啲欲  
無命囉！（太8:23-25）






耶穌對佢講：小信的人，恁哪即無膽？伊就起來，責備風及湧，湖就靜靜靜。許個人著驚講：此個是什麼款人，連風及湧都順服！（太8:26-27）



耶穌過去湖的彼旁岸，到加大拉人的地區，有兩個互鬼附身的人對墓仔埔出來，抵著伊。佢雄介介，所以無人敢對彼條路經過。  
(太8:28)






個忽然大聲喝：**上帝的子**，你勿愛插阮！時猶未到，你就來欲給阮苦楚是無？彼時，離個有赫遠啊的所在，有一大群豬啲討食。鬼求耶穌講：你若欲給阮趕出去，著差阮進入彼群豬。（太8:29-31）

耶穌給佢講： 恁去！ 鬼就出去， 進入豬群； 忽然歸群  
豬攏對山坪闖落去湖裡， 渇都死佇水內。（太8:32）




飼豬的人就逃走，走入去城內，將一切所發生以及互鬼附身的人所抵著的代誌攏報人知。全城的人攏出來欲看耶穌；個一下看著伊，就懇求伊離開個的地區。（太8:33-34）






耶穌坐船過湖，轉去家己的城。有人用床扛一個半身不遂的人來耶穌邊。伊看見佢的信心，就對彼個半身不遂的人講：少年人，安心，你的罪赦免啦！（太9:1-2）




有幾若個經學教師心內想：此個人啲褻瀆上帝！耶穌知佢的心思就問佢：是按怎恁心內有此款歹念頭？對此個人講「你的罪赦免啦」，抑是講「你起來行」，叨一項較簡單？（太9:3-5）




不過我欲互恁知，**人子**佇地上有赦罪的權柄。然後伊對彼個半身不遂的人講：起來，夯你的床，轉去恁兜！彼個人就起來，轉去恁兜。眾人看著真著驚，歸榮光互上帝，因為伊有將此款權柄賜互人。  
(太9:6-8)





耶穌離開迦利利向頭前行的時看著一個人，名叫做馬太，坐佇稅關。耶穌給伊講：來隨我！伊就起來隨伊。(太9:9)




耶穌仔馬太的厝食飯的時，有真多貿稅的及罪人嘛來及耶穌以及伊的門徒做夥食。法利賽派的人看著就對伊的門徒講：是按怎恁老師及貿稅的以及罪人做夥食飯？（太9:10-11）



耶穌聽著就講：健康的無需要醫生，破病的才有需要。恁去學習此句聖經的話：我愛憐憫，無愛祭物。因為我來，毋是欲招義人，是欲招罪人。（太9:12-13）



有一遍，約翰的門徒來見耶穌，對伊講：阮及法利賽派的人常常禁食，是按怎你的門徒無禁食？耶穌應講：新郎猶及婚宴的人客做夥的時，人客豈會哀傷？日子啲欲到，新郎會互人對佢中間掠去，彼時佢就會禁食。（太9:14-15）




無人用無勾水的布去補舊衫，因為補的彼塊會給衫糾裂，顛倒破閣較大孔。嘛無人將新酒入仔舊皮袋。若按呢做，皮袋會爆破，酒流出來，皮袋嘛歹去。新酒應該入仔新皮袋，按呢兩項就攏保全。(太9:16-17)




耶穌對佢講諸個話的時，有一個會堂的主管來跪佇伊的面前，講：我的查某子抵仔死去，請你來給伊按手，伊就會活起來。耶穌就起來，隨伊去；伊的門徒嘛去。(太9:18-19)



抵彼時，有一個致著血漏病十二年久的婦仁人行倚去耶穌的後面，摸伊衫仔裾的鬚。因為伊心內想：我干焦摸著伊的衫，病就會好。  
(太9:20-21)



耶穌越過來看伊，給伊講：查某子，安心；你的信心互你好去啦！  
婦仁人隨時得著醫好。（太9:22）





耶穌來到會堂主管的厝，看著歎箇仔的及歸大陣人浪浪滾，就給個講：恁攏出去，此個查某囡仔毋是死去，是啲睸。個就給伊恥笑。  
(太9:23-24)




趕群眾出去了後，耶穌入去查某团仔的房間，牽伊的手，查某团仔就起來。對按呢，此個消息傳到彼地區的逐所在。(太9:25-26)




耶穌離開選的時，有兩個盲人隨伊去；佢大聲喝：**大關的子**，憐憫阮！耶穌入去厝內，盲人就行倚去。耶穌問佢：恁信我會當給恁做此個代誌是無？佢應講：主啊，你會。（太9:27-28）




然後，耶穌摸佢的目睭，講：照恁的信心互恁實現。佢的目睭就開，會看見。耶穌嚴嚴吩咐佢講：千萬毋通互人知此個代誌。毋拘佢一下出去，煞將耶穌的代誌傳遍彼地區的逐所在。（太9:29-31）




個出去的時，有人導一個互鬼附身癡講話的人來耶穌遇。  
(太9:32)



鬼一下互耶穌趕出去，  
彼個癡講話的人就講話。  
群眾攏著驚，講：佇以  
色列阮毋曾看著此款代  
誌。不過法利賽派的人  
講：伊是靠鬼王啲趕鬼。  
(太9:33-34)






耶穌行透周圍所有的城市及庄社，佇佢的會堂教示人，傳天國的福音，醫好逐款的症頭及病疼。伊看著赫大陣的人，就可憐佢，因為佢親像羊無牧者，困苦，無人照顧。(太9:35-36)




耶穌就對祂的門徒講：通收成的真多，作工的人真少。所以，禱著祈求管收成的主派工人去收成。（太9:37-38）



耶穌召集伊十二個門徒來，互個有權柄通趕邪神，醫治逐款的症頭及病疼。此十二使徒的名就是諸個：第一是西門，嘛叫做彼得，及伊的小弟安得烈；西庇太的子雅各及伊的小弟約翰；腓力及巴多羅買；多馬及貿稅的馬太；達太及亞勒腓的子雅各；激進黨的西門及出賣耶穌彼個以斯加略的猶大。(太10:1-4)



耶穌差此十二使徒出去，吩咐個講： 恁毋通去外邦人的地區； 毋通進入撒馬利亞人的城， 只有著去尋以色列家失迷的羊。 恁去的時著宣揚講： **天國** 啲欲實現啦。（太10:5-7）





恁著醫好破病的人，互死人閣活，互痲瘋病人清氣，閣趕出邪神。  
恁白白得著，嘛著白白互人。腰帶內面毋免帶金幣、銀幣，抑是銅  
幣；出門毋免帶旅行袋抑是兩領內衫，嘛毋免帶涼鞋抑是擲枋仔；  
因為工人得著食物是應該。(太10:8-10)



恁無論入去叨一個城叨一個庄社，著探聽看什麼人願意接待恁，才去住遐，住到離開。恁入去厝內的時，著給個請安。此家的人若願意接待恁，著將恁的平安互個；若無願意接待恁，著將平安收回。  
(太10:11-13)




毋接待恁毋聽恁的話的人，恁離開彼間厝抑是彼個城的時，著將恁腳裡的土粉拌互伊清氣。我實在給恁講，佇審判的日，所多瑪及蛾摩拉地區所受的刑罰會比彼個城所受的閣較好忍受。(太10:14-15)





著知，我差恁出去，親像送羊入去豺狼的中間。所以，著親像蛇赫呢靈巧，親像粉鳥赫呢馴良。恁著持防，因為有人會給恁掠去交互議會，佇個的會堂用鞭給恁拍。閣為著我的緣故，恁會互人拖到總督及君王的面前，來對個及外邦人做見證。（太10:16-18）




毋拘，恁互人掠去審問的時，毋免煩惱欲按怎講，抑是欲講什麼；彼時恁所著講的，會給恁指示，因為啲講的毋是恁家己，是恁天父的神通過恁啲講。(太10:19-20)



兄弟會出賣兄弟，互伊死；老父嘛會按呢對待子兒。子兒會起來攻擊父母，給個害死。恁會因為我的名互眾人怨恨，毋拘忍耐到最後的會得著救。個佇此個城迫害恁，著逃走去別個城。我實在給恁講，以色列的城市恁行猶未透，人子就來！（太10:21-23）




學生猶超過老師；僕人嘛猶超過主人。學生抵著的迫害及老師全款，僕人抵著的及主人全款，按呢就有夠。人都給此家的主人叫做別西卜，何況伊家內的人。所以，毋免驚個；因為無一項掩蓋的猶露現；嘛無一項祕密的猶互人知。我佇暗中給恁講的，恁著佇光明中講出來；恁佇耳孔邊聽著的，著佇厝尾頂宣布。（太10:24-27）





會害死身軀卻猶害死靈魂的，恁毋免驚；顛倒著驚會將靈魂及身軀  
扒落地獄毀滅的上帝。兩隻雀鳥仔豈毋是賣一角銀若定？恁的天父  
若無允准，連一隻都猶跋落地。恁咧，連恁的頭毛都攏有算過。所  
以，毋免驚，恁比歸群雀鳥仔閣較貴重！（太10:28-31）



所以，佇人的面前宣認我的，我佇我天父的面前嘛會認伊。佇人的面前毋認我的，我佇我天父的面前嘛毋認伊。(太10:32-33)




毋通想講我來是欲帶和平互地上；我帶來的毋是和平，是刀劍。因為我來是欲互人分裂：人對抗老父，查某子對抗老母，新婦對抗大家。人的對敵是家己家內的人。疼父母贏過疼我的，無資格隨我；疼子抑是查某子贏過疼我的，無資格隨我。毋夯家己的十字架來隨我的，嘛無資格隨我。欲得著家己的性命的，會喪失性命；為著我喪失家己的性命的，會得著性命。(太10:34-39)



接納恁的就是接納我；接納我的就是接納差我來彼位。接納先知做先知的，會得著先知應得的報賞；接納義人做義人的，會得著義人應得的報賞。我實在給恁講，無論什麼人，干焦提一杯冷水互諸個上微細的一個飲，因為上微細的是我的門徒，此個人一定會得著報賞。(太10:40-42)



耶穌教示十二個門徒以後離開彼所在，去附近的城市教示人及傳福音。約翰佇監裡聽著基督所做的事，就差伊的門徒去問伊：你就是啲欲來彼位，抑是阮著聽候別人？（太11:1-3）



耶穌應講：恁將所聽著，所看著的去給約翰講，就是失明的人閣看見，腳跛的人行路，癱瘋病人清氣，耳孔膾聽見的人聽見，死人閣活，散赤人有好消息傳互個。對我無失去信心的人真有福氣！  
(太11:4-6)



約翰的門徒離開了後，耶穌才對群眾講起約翰的事。伊講：恁出去曠野是欲看什麼？欲看互風吹搖來搖去的蘆葦是無？若毋是，恁出去欲看什麼？欲看穿高貴衣服的人是無？恁看，穿高貴衣服的人是佇王宮。按呢，恁出去欲看什麼？欲看先知是無？是，毋拘我給恁講，伊比先知閣較偉大。關係約翰，聖經有按呢記載：看啊，我差我的使者做你的先鋒；伊欲佇你的頭前給你開路。(太11:7-10)



我實在給恁講，婦仁人所生的無一個比施洗者約翰較偉大；毋拘，**天國**上微細的猶比伊閣較偉大。對施洗者約翰的日到現在，**天國**一直受強烈的攻擊，兇猛的人用暴力給伊搶去。先知及律法所有的預言到約翰為止。恁若願意接受諸個預言，就會明白約翰就是彼個啲欲來的以利亞。有耳孔的，著聽！（太11:11-15）



我欲用什麼比並此世代？  
佢親像一陣囡仔坐佇市場  
口對另外一陣喝：阮對恁  
歎笛仔，恁無跳舞！阮唱  
哀歌，恁嘛無悲傷！約翰  
來，無食無飲，人就講：  
伊互鬼附身！**人子**來，嘛  
食嘛飲，人就講：伊是貪  
食好酒的人，是貿稅的及  
罪人的朋友！不過，實在  
的智慧對行為得著證。


(太11:16-19)



耶穌有佇一寡城市行真多神跡，毋拘許個城市的人攏無悔改，伊就給個責備。伊講：哥拉汛，你慘啊！伯賽大，你慘啊！我佇恁中間行的神跡若佇泰爾及西頓行，個早就穿麻衫糝火灰悔改啦。我給恁講，佇審判的日，泰爾及西頓受的刑罰會比恁著的較好忍受。(太11:20-22)




你咧，迦百農，你愛人給你扶上天是無？猶，上帝會給你抗落陰府。佇你遐行的神跡若佇所多瑪行，所多瑪一定猶留到今仔日。總是我給恁講，佇審判的日，所多瑪地區受的刑罰比你著受的較好忍受。  
(太11:23-24)





彼時，耶穌講：父啊，天地的主，我感謝你，因為你有將諸個事對有智慧有學問的人蓋起來，毋拘對細漢囡仔啟示。父啊，是啦，因為這是你的好旨意。我的父已經有將一切攏交託我。父以外無人識子；子及子愛欲啟示的人以外嘛無人識父。（太11:25-27）





勞苦背重擔的人攏著來我遮，我欲互恁安歇。著背我的軛，來對我學，因為我的心溫柔謙遜。按呢，恁的心神就會得著安歇。我的軛合用，我的擔真輕。(太11:28-30)




過無倂久，佇安歇日耶穌對麥園經過。伊的門徒腹肚枵，就摘麥穗來食。法利賽派的人看著，對耶穌講：你看，你的門徒佇安歇日做齋用得做的代誌。耶穌給佢講：恁豈毋曾讀著大關及隨伊的人腹肚枵的時所做的代誌？伊入去上帝的殿食獻祭的餅，此款餅只有祭司才通食，伊及隨伊的人攞齋用得食。（太12:1-4）




另外，恁豈無讀著律法的記載，就是安歇日祭司佇聖殿犯著安歇日的規矩嘛算無罪。我給恁講，佇遮有一個比聖殿較重要的。聖經有講：我愛憐憫，無愛祭物。恁若了解此句話的意思，就膾給無罪的人定罪。因為人子是安歇日的主。（太12:5-8）



耶穌離開彼所在，入去個的會堂。抵好有一個一支手癱去的人佇遐。有一寡人想欲控告耶穌，就問伊講：佇安歇日醫病有合律法無？耶穌應講：恁中間有人有一隻羊，抵好佇安歇日跋落窟仔，伊豈膾給伊扭起來？人比羊加偌仔呢貴重！所以，佇安歇日做好事有合律法。耶穌就給彼個人講：手伸出來！此個人手伸出來，就復原，完全好去，及另外彼支手全款。(太12:9-13)



法利賽派的人出去，就計謀欲對付耶穌，看欲按怎給伊害死。耶穌知影佢的計謀就離開遐；有真多人隨伊去，伊就醫好佢中間所有的病人。伊命令佢毋通對人傳揚伊的代誌。（太12:14-16）



這是欲應驗通過先知以賽亞所講的話：恁看，我所揀選的僕人，我所疼，所意愛的。我欲賜我的神互伊；伊欲對萬民宣告我的公義。伊膾爭辯，膾喧嚷；佇街路無人會聽著伊的聲。受傷的蘆葦，伊膾遏斷；欲化的燈火，伊膾歎熄，直到伊互公義得勝。萬民攏會將向望交託伊。  
(太12:17-21)




彼時，有人導一個互鬼附身，失明閣癡講話的人來耶穌遇；耶穌給伊醫好，彼個癡講話的人就會講話，閣會看見。群眾攏真著驚，講：此個人敢是**大關的子**乎？法利賽派的人聽著就講：此個人是靠鬼王別西卜啲趕鬼。（太12:22-24）



耶穌知影佢的心思就給佢講：國家家已紛爭，會荒廢；城市抑是家庭家已紛爭，倚牆牢。撒旦若趕撒旦，是家已紛爭，伊的國欲哪倚會牢？我若靠別西卜趕鬼，恁的子弟是靠什麼人趕鬼？按呢，恁家已的子弟會給恁判罪。（太12:25-27）



不過我若是靠上帝的神趕鬼，上帝的主權就已經佇恁中間實現啦。  
人按怎才會當入去勇士的厝搶伊的財物，豈毋是著先給伊縛起來？  
無為我的就是反對我；無及我做夥收集的就是啲拍散。  
(太12:28-30)




所以，我給恁講，人一切的罪及誹謗攏會得著赦免，毋拘褻瀆聖神  
猶得著赦免。無論什麼人講話攻擊人子，會得著赦免，毋拘無論什  
麼人講話攻擊聖神，佇現在及將來攏猶得著赦免。好樹結好果子；  
歹樹結歹果子；對所結的果子通知樹的好歹。（太12:31-33）



佢諸個毒蛇，佢本來是歹的，欲哪會講好話？因為人心內充滿什麼，嘴就講什麼。好人對所積聚的好發出好；歹人對所積聚的歹發出歹。我給佢講，人所講一切的閒仔話，佇審判的日逐句攞著負責。因為上帝欲用你的話來判你無罪，嘛欲用你的話來定你有罪。  
(太12:34-37)



彼時，有幾若個經學教師及法利賽派的人對耶穌講：老師，阮愛你行一個神跡互阮看。耶穌應講：邪惡姦淫的世代要求神跡，毋拘先知約拿的神跡以外，猶閣有神跡互佢。親像約拿三暝三日佇大魚的腹肚內，人子嘛會三暝三日佇地深的所在。(太12:38-40)



佇審判的時，尼尼微人會及此世代的人做夥起來，給此世代的人定罪，因為尼尼微人聽著約拿的傳道了後攏有悔改。恁看，有比約拿閣較偉大的佇遮！佇審判的時，南方的女王會及此世代的人做夥起來，給此世代的人定罪，因為伊有對地的極頭來聽所羅門智慧的話。恁看，有比所羅門閣較偉大的佇遮！」（太12:41-42）




邪神離開所附身的人了後，佇無水的地區行透透，欲尋一個歇暈的所在，尋攏無，就講：我欲轉來去我出來彼間厝。伊轉去，看著厝空空，掃甲真清氣，閣整理好勢。後來，伊去導七個比伊較歹的邪神及伊做夥來，入去遐住。按呢，彼個人的結局比起頭閣較慘。此個邪惡的世代嘛會親像按呢。(太12:43-45)



耶穌猶啲對眾人講話的時，伊的老母及兄弟來倚佇外面，愛欲及伊講話。有人給耶穌講：你看，你的老母及兄弟倚佇外面，愛欲及你講話。(太12:46-47)



耶穌給彼個人講：什麼人是我的老母？什麼人是我的兄弟？然後伊伸手指伊的門徒講：恁看，我的老母，我的兄弟！實行我天父旨意的人就是我的兄弟、姊妹，及老母。（太12:48-50）



像彼日，耶穌對厝裡出去，佇湖邊坐。有一大陣人聚集倚來伊邊，伊煞著去坐佇船頂，歸大陣人攏倚佇岸頂。(太13:1-2)



伊就用譬喻對佢講真多項事。伊講：有一個撒種籽的人出去撒種籽。伊撒的時，有的種籽落佇路邊，鳥仔飛來給佢食了了。（太13:3-4）





有的落仔石頭地，土少的所在，因為土無深，真緊就茁芽；不過日頭一下出，給個曝著，因為無根就焦去。（太13:5-6）



有的落仔荊帕內，刺仔大穢起來就給個翕死。(太13:7)




不過有的落仔好土地，就結實；有的一百倍，有的六十倍，有的三十倍。有耳孔的，著聽！（太13:8-9）




門徒來問耶穌：是按怎你對群眾攞用譬喻給佢講？耶穌應講：天國的奧祕已經有互恁知，毋拘無互佢知。因為有的，欲互伊閣較多，多到有賭；無的，連伊所有的嘛欲給伊搶起來。（太13:10-12）




為著此個緣故，我用譬喻對佢講，因為：佢看嘛看無，聽嘛聽無，閣膾了解。以賽亞的預言抵佇佢身上應驗：恁聽閣聽嘛膾了解；恁看閣看嘛膾看見。(太13:13-14)




因為此個子民的心已經鈍，耳孔重，目矚瞤。若毋是按呢，佢的目矚會看見，耳孔會聽見，心會明白，會回心轉意，我就給佢醫好。毋拘恁真有福氣，因為恁目矚有看見，耳孔有聽見。  
(太13:15-16)




我實在給恁講，以前有真多先知及義人愛欲看恁所看見的亦無看著，欲聽恁所聽見的亦無聽著。所以，恁著注意聽此個撒種籽的譬喻。所有聽著天國的信息無明白的，是親像撒佇路邊的種籽，彼個邪惡者來，給撒佇伊心內的種籽搶去。(太13:17-19)




撒佇石頭地的，是指人聽著信息，隨時歡喜接受，毋拘佇伊的心內釘根無深，擋膾久，一下為著信息抵著患難抑是迫害，隨時就放揀。（太13:20-21）



撒佇莉帕內的，是指人聽著信息了後，生活的掛慮及錢財的迷惑給所聽著的信息翕死，煞癯結實。(太13:22)



撒仔好土地的，是指人聽著信息，有了解，真正有結實；有的一百倍，有的六十倍，有的三十倍。（太13:23）



耶穌閣對佢講一個譬喻：**天國**通譬喻做有一個人撒好種籽仔家己的園裡。人啲睏的時，對敵來，將稗仔撒仔麥仔的中間，就離開。  
(太13:24-25)



麥仔發起來，出穗的時，稗仔嘛發出來。僕人來見主人講：頭家，你豈毋是撒好的種籽佇園裡？哪會有諸個稗仔？主人應講：這是對敵做的。僕人講：按呢，阮來去給許個稗仔掘起來好無？


(太13:26-28)




主人應講：毋通，恁摳稗仔的時，毋抵好連麥仔煞摳摳起來。互稗仔及麥仔同齊大穰，收成的時我才吩咐收割的人先給稗仔摳起來，捆歸把去燒，然後給麥仔收入去我的倉庫。（太13:29-30）



耶穌閣給佢講一個譬喻：**天國**親像一粒芥菜籽，人給伊提去撒佇家己的園裡。芥菜籽是所有種籽中上細粒的，大穰起來，比所有的菜蔬閣較大穰，成做一穰樹，連空中的鳥仔都來佇樹枝做巢。  
(太13:31-32)



耶穌閣給佢講一個譬喻：**天國**親像酵母，有一個婦仁人提去濫佇三斗麵粉做夥抄，最後歸個攏發起來。諸個一切的教示耶穌攏用譬喻對眾人講；伊無用別款的方式，只有用譬喻對佢講。伊按呢做是欲應驗主通過先知所講的話：我欲開嘴講譬喻，講創世以來隱密的事。（太13:33-35）



耶穌離開眾人，入去厝內。伊的門徒來給伊講：請給阮解說園裡的稗仔的譬喻。耶穌應講：彼個撒好種籽的是**人子**；園是世界；好種籽是**天國**的子兒；稗仔是彼個邪惡者的子兒；撒稗仔彼個敵人是魔鬼；收割是指今世的終局；收割的是天使。佇今世的終局，歹人會親像稗仔互人拾歸把用火給個燒。（太13:36-40）




人子會差伊的天使來，對伊的國內將一切互人跋倒犯罪及不法的人攏掠來，給佢掀落火爐，佇遐佢會啼哭，咬牙切齒。(太13:41-42)



彼時，義人佇個的父的國度會親像日頭發光。有耳孔的，著聽！  
(太13:43)



**天國**親像寶貝藏佇園裡，有人尋著，給伊蓋起來，真歡喜去賣一切所有的來買彼坵園。**天國**嘛親像一個生理人啲尋嬌的真珠。伊一下尋著一粒真值錢的真珠，就去賣一切所有的來買彼粒真珠。  
(太13:44-46)



**天國**嘛親像人佇湖裡拋網，掠逐款魚；網滿就拖上岸，坐落來，揀好的園落去桶仔內，儂的抆确。（太13:47-48）




今世的終局嘛親像按呢；天使欲出去，對義人的中間給歹人分別出來，抅落火爐；佇遐個會啼哭，咬牙切齒。（太13:49-50）




耶穌問伊的門徒講：諸個恁攏有明白無？佢應講：有。伊就給佢講：所以，逐個學習天國道理的經學教師，親像一家的主人對倉庫給新及舊的物件攏搬出來。（太13:51-52）




耶穌講諸個譬喻了後離開遐，倒去家己的故鄉。伊佇個的會堂教示人，個攏真著驚，講：此個人對叨位得著此款和智慧及行神跡的氣力？（太13:53-54）




伊豈毋是彼個木匠的子？伊的老母豈毋是叫做馬利亞？伊的兄弟豈毋是雅各、約瑟、西門，及猶大？伊的小妹豈毋是攏及咱佇遮？按呢，此個人對叨位得著此款和智慧及氣力？（太13:55-56）





個煞對耶穌起反感。耶穌給個講：先知佇家己的故鄉家己的家族以外，一定會受尊重。因為個毋信，耶穌佇遐無行真多神跡。  
(太13:57-58)



彼時，加利利分封的王希律聽著耶穌的名聲，就對伊的部下講：此個人是施洗者約翰，伊已經對死人中閣活，所以才有權能行諸個神跡。原來，希律為著伊的小弟腓力的某希羅底的緣故有掠約翰，給伊鍊起來，關落監。因為約翰定定對伊講：你娶此個婦仁人做某無合法。希律想欲給伊剖，不過驚群眾，因為佢攞想講伊是先知。  
(太14:1-5)



希律作生日的時，希羅底的查某子佇來賓面前跳舞；希律真歡喜，就咒誓答應彼個查某团仔無論求什麼攏欲互伊。（太14:6-7）




查某囡仔互老母使弄，就講：請將施洗者約翰的頭殼囡佇盤裡互我。王的心真艱苦，不過因為已經佇貴賓的面前咒誓，就命令照所求的互伊。（太14:8-9）



王差人去監裡斬約翰的頭，將頭殼下佇盤裡，交互查某囡仔，查某囡仔就捧去互伊的老母。(太14:10-11)





約翰的門徒來收伊的身屍去埋葬，然後去給耶穌報告。耶穌聽著此個消息就離開遐，干焦家已坐船退去偏僻無人住的所在。一大陣人聽著就對逐城市行路隨伊。耶穌上岸，看著一大陣人就可憐個，醫好個的病。(太14:12-14)







黃昏暗，門徒倚來給伊講：遮是偏僻的所在，天嘛啲暗啊；請給群眾解散，互個通家已去附近的庄社買食物。耶穌應講：佢毋免去，恁互個食。(太14:15-16)




門徒對伊講：咱遮只有五個餅，兩尾魚。耶穌講：提來遮互我。伊就叫眾人坐佇草埔，然後提彼五個餅及兩尾魚，向天感謝；餅擘開，提互門徒，門徒就分互眾人。（太14:17-19）



大家攞食，食到飽。門徒拾食賸的碎屑仔，滿十二籃。食的人，婦仁人及囡仔無算，約有五千個查甫人。（太14:20-21）




耶穌隨時迫門徒上船先過去對面岸，伊家已留啲解散群眾。群眾四散了後，伊家已上山祈禱。天暗的時，伊猶家已一個佇遐。  
(太14:22-23)





彼時，船已經離岸真遠，因為搯風互湧撥來撥去。天欲光的時，耶穌佇湖的頂面向門徒遡行去。門徒看著伊佇湖的頂面啲行，真著驚，講：是鬼！佢驚甲大聲喝出來。（太14:24-26）



耶穌隨時給佢講：安心，是我，毋免驚！彼得應講：主啊，若真正是你，命令我行水面去你邊。（太14:27-28）




耶穌講：來！彼得就對船頂落來，行水面去耶穌遇。  
(太14:29)



彼得一下看著風赫呢大就驚，煞欲沉落去，大聲喝：主啊，救咧噢！耶穌隨時伸手給伊扭啲，講：小信的人，是按怎啲懷疑？  
(太14:30-31)



個上船，風就恬去。船頂的人跪落去拜伊，講：你真正是**上帝的子**！耶穌及門徒過湖了後，佇革尼撒勒上岸。(太14:32-34)







彼所在的人一下認出耶穌，就派人去四周圍給所有的病人攏導來伊邊。佢懇求耶穌互病人干焦摸伊衫仔裾的鬚就好；所有摸著的人攏得著醫好。(太14:35-36)





有法利賽派的人及經學教師對耶路撒冷來見耶穌，問伊講：是按怎你的門徒無先洗手就食飯，違犯古早人的傳統？伊應講：恁是按怎因為恁的傳統來違犯上帝的誡命？上帝講『著孝敬父母』；閣講『罵老父抑是罵老母的人應該處死』（太15:1-4）



毋拘恁講：人若對家己的老父抑是老母講：我應該互你的已經獻互上帝，伊就無需要孝敬老父。按呢，恁因為家己的傳統廢除上帝的話。恁假好的人，以賽亞所講關係恁的預言真著；伊講：此個子民用嘴唇尊敬我，佢的心卻離開我遠遠。佢用人的規例做我的教示教示人；佢敬拜我攏無採工。（太15:5-9）



耶穌叫眾人來，給佢講：著聽，著了解：毋是對嘴入去的互人無清氣，是對嘴出來的才互人無清氣。門徒來對伊講法利賽派的人聽著你此個話真反感，你知無？伊應講：毋是我的天父栽種的，攞欲給伊掘起來。出在佢講。佢是睛暝啲牽睛暝；若睛暝牽睛暝，兩個攞會跋落窟仔。(太15:10-14)



彼得應伊講：請你給阮解說此個譬喻。伊就講：連恁都猶無明白噢？恁豈無了解，所有對嘴入的攏入去腹肚內，後來放落去便所？對嘴出來的是對心出，這才會互人無清氣。因為對心出來的有歹念頭、凶殺、私通、姦淫、偷提、偽證，及誹謗。諸個才會互人無清氣；無洗手就食飯，膾互人無清氣。（太15:15-20）



耶穌離開彼所在，退去  
泰爾及西頓的境內。  
(太15:21)



抵好有一個迦南的婦仁人對彼地區來，大聲喝：主啊，大關的子，憐憫我！我的查某子互鬼附身，真艱苦。耶穌無給伊應半句。伊的門徒來求伊講：給伊趕走，伊隨佇咱後面直直啲喝。  
(太15:22-23)



耶穌應講：我受差派只有是欲尋以色列家失落的羊。毋拘婦仁人來跪佇伊的面前，講：主啊，請幫贊我！耶穌講：提囡仔的食物抗互狗仔食，毋好。婦仁人講：主，是啦，狗仔嘛有食主人桌頂落落來的餅幼仔。

(太15:24-27)





後來，耶穌應講：婦  
仁人，你的信心真大。  
互你的心願實現！伊  
的查某子佇彼陣就得  
著醫好。（太15:28）



耶穌叫伊的門徒來，給佢講：我真可憐此陣人，因為佢已經及我做夥三日久，現在無物通食啦。我毋甘互佢四散枵枵轉去，驚了佢佇路中暈倒。門徒給伊講：佇此個偏僻無人住的所在，阮欲去叨位提赫多餅來互即多人食？耶穌問佢講：恁有偌多餅？ 佢講：七個；嘛有幾尾仔細尾魚。  
(太15:32-34)



伊命令群眾坐落去土腳，然後提彼七個餅及許個魚，感謝，擘開，提互門徒，門徒就提互群眾。眾人攏食，食到飽；佢拾食賸的碎屑仔，貯滿七籠。食的人，婦仁人及囡仔無算，干焦查甫人就有四千。(太15:35-38)





耶穌解散群眾了後，上  
船去馬加丹地區。

(太15:39)



有法利賽派及撒都該派的人來試探耶穌，要求伊互個看對天來的神跡。耶穌應講：黃昏的時，佢講『明仔載會好天，因為天色紅』。早起時佢講『今仔日有風雨，因為天色暗閣紅』。佢都看會出天的景象，哪看齋出此個時代的兆頭。邪惡姦淫的世代要求神跡；約拿的神跡以外，齋閣有神跡互此世代的人。講了，耶穌就離開佢去別位。(太16:1-4)



門徒到湖的彼旁岸才知個猶  
記得帶餅。耶穌給個講：著  
注意，著持防法利賽派及撒  
都該派的酵。個互相議論講：  
是因為咱無帶餅是無？耶穌  
知影就講：小信的人，恁是  
按怎啲議論無帶餅的代誌？  
恁豈猶未明白，豈猶記得我  
用五個餅互五千人食，食賸  
的恁有拾幾籃？（太16:5-9）




恁豈猶記得我用七個餅互四千人食，食賻的恁有拾幾籠？是按怎恁無明白我給恁講的毋是關係餅的代誌？著持防法利賽派及撒都該派的酵！此時門徒才明白耶穌毋是講著持防餅的酵，是著持防法利賽派及撒都該派的教示。


(太16:10-12)





耶穌來到凱撒利亞·腓立比境內的時，問伊的門徒講：人講**人子**是什麼人？佢應講：有人講是施洗者約翰；有人講是以利亞；嘛有人講是耶利米抑是先知中的一位。耶穌問佢講：恁咧，恁講我是什麼人？西門·彼得應講：你是**基督，永活上帝的子**。  
(太16:13-16)



耶穌應伊講：西門·巴約拿，你真有福氣，因為給你啟示的毋是人，是我的天父。我閣給你講，你是彼得是石磐，我欲佇此個石磐頂起造我的教會，陰府死亡的權勢都輸贏過伊。我欲將天國的鎖匙互你；你佇地上禁止的，佇天頂嘛會禁止；你佇地上允准的，佇天頂嘛會允准。後來，伊命令門徒毋通給人講伊就是基督。（太16:17-20）



彼時，耶穌開始對祂的門徒表示祂一定著去耶路撒冷，對長老、祭司長，及經學教師受真多苦難，閣互人害死，第三日上帝會互祂閣活。（太16:21）





彼得就扭耶穌去邊仔，給伊責備講：主啊，絕對毋通！你膾用得有此款代誌！耶穌越轉身對彼得講：撒旦，閃開！你啲給我纏腳絆手；你想的毋是上帝的事，是人的事。（太16:22-23）





後來，耶穌對祂的門徒講：欲隨我的人，著完全否定家己，弃家己的十字架來隨我。因為欲救家己的性命的，會喪失性命；為著我的緣故喪失家己的性命的，會得著性命。人若得著全世界煞喪失家己的性命有什麼利益？人會當用什麼代價來交換家己的性命？  
(太16:24-26)



人子啲欲佇伊的父的榮耀中及伊的天使來臨，彼時伊會照逐個人的行為給個報賞抑是刑罰。我實在給恁講，倚佇遮的人，有的猶未死以前會看見人子作王來臨。(太16:27-28)



六日後，耶穌導彼得、雅各，及雅各的小弟約翰，干焦個家已足百上一座高山。佇個面前，耶穌的形像改變：伊的面親像日頭發光；伊的衫變甲親像光赫呢白。(太17:1-2)



忽然間，摩西及以利亞對佢顯現，及耶穌講話。彼得對耶穌講：主啊，咱佇遮真好！你若欲，我佇遮搭三間寮仔，一間互你，一間互摩西，一間互以利亞。（太17:3-4）





伊猶啲講的時，忽然有一片燦爛的雲給佢罩咧，有聲對雲出來，講：此個是我所疼的子，伊，我真意愛，恁著聽趁伊。門徒一下聽著就仆落去，非常驚惶。耶穌行倚去，給佢摸，講：起來，毋免驚！佢一下擻目看，只有看著耶穌，以外無別人。（太17:5-8）




個落山的時，耶穌命令個，講：**人子**對死人中閣活以前，恁毋通給人講起所看見的異象。門徒問伊，講：若按呢，是按怎經學教師講以利亞一定著先來？耶穌應講：以利亞一定著來重新整理一切。我給恁講，以利亞已經來啦，毋拘人毋識伊，反轉照個的意思對待伊。親像按呢，**人子**嘛啲欲佇個的手下受苦。彼時門徒才明白伊對個講的是指施洗者約翰。(太17:9-13)





個來到群眾邊，有一個人來，跪佇耶穌的腳前，對伊講：主啊，憐憫我的子！因為伊致著羊眩，非常艱苦，不時跋落火，嘛不時跋落水。我導伊去你的門徒邊，個無法度給伊醫好。（太17:14-16）





耶穌應講：唉啊，毋信閣腐敗的世代，我著及恁住偌久？我著閣忍耐恁偌久？給伊導來我遮。耶穌責備鬼，鬼就對囡仔出去；伊的病隨時好去。（太17:17-18）



後來，門徒私下來問耶穌：是按怎阮無法度給鬼趕出去？耶穌給佢講：是因為恁小信。我實在給恁講，恁的信心若有芥菜籽赫大，恁對此座山講『對遮徙去遐』，山嘛會徙去；無一項事恁做膾到。  
(太17:19-21)




門徒聚集佇加利利的時，耶穌給佢講：人子啲欲互人出賣。會給伊害死，第三日上帝會互伊閣活。門徒就非常傷心。(太17:22-23)



耶穌及門徒來到迦百農的時，有一寡收聖殿稅的人去問彼得：恁老師有納聖殿稅無？伊講：有。彼得入去厝內的時，耶穌先問伊講：地上的君王是對什麼人收關稅抑是人頭稅？是對本國人抑是外國人？西門，你想按怎？（太17:24-25）

彼得應講：對外國人。耶穌給伊講：按呢，本國人就毋免納稅囉。不過，咱為著無愛得罪諸個人，你去湖裡釣魚，釣起來的頭一尾，給魚的嘴擘開就會看著一個銀仔，提去互個，替我及你納聖殿稅。(太17:26-27)





彼時，門徒來問耶穌：佇天國什麼人上大？耶穌叫一個囡仔來，互伊倚佇個中間，我實在給恁講，恁若無改變變做親像囡仔，絕對膾當入天國。所以，人家已謙卑親像此個囡仔，此個人佇天國就是上大。(太18:1-4)



大磨石

無論什麼人，為著我的名接納此款囡仔就是接納我。無論什麼人互信我的人中間微細的一個犯罪，寧可互人用大石磨縛佇額頸填落深海。(太18:5-6)





此個世間慘啊，因為有互人跋倒犯罪。互人犯罪的事一定有，毋拘引起人犯罪的人慘啊。你的一支手抑是一支腳若互你犯罪，著給伊斬起來擲抗确。寧可一腳一手入永遠活，比雙腳雙手好好互人抗落永遠的火較好。(太18:7-8)





你的目矚若互你犯罪，著給伊挖出來擲抗确。寧可減一蕊目矚入**永遠活**，比兩蕊目矚好好，互人抗落火啲燻的地獄較好。恁著謹慎，毋通看輕諸個微細的人的一個。我給恁講，佢的天使佇天頂時常啲見我天父的面。（太18:9-11）





恁想啥款？有一個人有一百隻羊，其中一隻失迷，伊豈膾將九十九隻放佇山頂，去尋彼隻失迷的？我實在給恁講，伊若尋著彼隻失迷的羊，一定真歡喜，比有九十九隻無失迷的閣較歡喜。像款，恁的天父母甘諸個微細的人的一個滅亡。（太18:12-14）




你的兄弟抑是姊妹若得罪你，著去尋伊，干焦急兩人做夥的時私下給伊指出錯誤。伊若欲聽，就回復你及伊做兄弟抑是姊妹的關係。伊若毋聽，著導一兩個人及你去，按呢逐句話有兩個抑是三個人通作證。伊若猶毋聽，著給教會講；伊若連教會都毋聽，就給伊看做外邦人抑是貿稅的。(太18:15-17)



我實在給恁講，恁佇地上禁止的，佇天頂嘛會禁止；恁佇地上允准的，佇天頂嘛會允准。我閣給恁講，恁中間若有兩個人佇地上同心合意祈求，我的天父攏會給個成全。因為，有兩個抑是三個人奉我的名聚會，我就佇個中間。（太18:18-20）




彼得來問耶穌：主啊，我的兄弟抑是姊妹得罪我，我著赦免伊幾遍？到七遍是無？耶穌給伊講：毋是。我毋是給你講著到七遍，是著到七十個七遍。（太18:21-22）





按呢，**天國**通用此個譬喻來說明：有一個國王欲及伊的僕人結賬，伊開始算賬的時，有人將欠幾若百萬銀仔的人導來伊的面前。彼個人猶當還，主人就命令人將彼個人及伊的某子以及一切所有的攞去賣來還債。(太18:23-25)




彼個僕人就跪落去求講：請互我限一下，我會攞還。僕人的主人就可憐伊，擦消伊的債，放伊去。(太18:26-27)



彼個僕人出去，抵著一個平平做僕人的，彼個人只有欠伊幾個銀仔，就給伊掠啲，掙伊的額頸，講：你所欠的，攞著還！平平做僕人的跪落去求伊講：拜託互我限一下，我會攞還。（太18:28-29）



伊母肯，顛倒將此個人關落監，關到所欠的攤還清楚。另外平平做僕人的看著，非常痛心，就將所發生一切的代誌去給主人報告。  
(太18:30-31)



主人就叫彼個僕人來，對伊講：你此個歹僕人，因為你對我求，我就將你所欠的債攏擦消。我有憐憫你，你豈毋應該親像按呢憐憫彼個平平做僕人的？伊的主人真受氣，就給伊關落監受刑，關到伊將一切的債務攏還清楚。恁逐個人若無對心底赦免家己的兄弟抑是姊妹，我的天父嘛會按呢對待恁，猶給恁赦免。（太18:32-35）


# 馬太福音大綱

---


- |                 |            |
|-----------------|------------|
| 一、耶穌基督的家譜及降生    | 1:1-2:23   |
| 二、施洗約翰的工作       | 3:1-3:12   |
| 三、耶穌的洗禮及受試探     | 3:13-4:11  |
| 四、耶穌佇加利利的宣道工作   | 4:12-18:35 |
| 五、加利利到耶路撒冷      | 19:1-20:34 |
| 六、最後一禮拜佇耶路撒冷及附近 | 21:1-27:66 |
| 七、耶穌的閣活及顯現      | 28:1-28:20 |



耶穌講諸個話了後，  
離開加利利去約旦河  
對岸的猶太地區。有  
歸大陣的人隨伊，伊  
就佇遐醫好個的病。  
(太19:1-2)




有一寡法利賽派的人來試探伊，講：人無論什麼理由都通離伊的某，有合律法無？耶穌應講：恁豈無讀著創造主佇起頭創造人有男有女？上帝講：因為此個理由，人會離開父母，及伊的某結合，兩人成做一體。按呢，佢已經毋是兩個，是一體。所以，上帝所配合的，人毋通拆開。(太19:3-6)





法利賽派的人問伊講：若按呢，摩西是按怎命令人互伊的某一張離婚書就通給伊離？耶穌應講：因為恁的心硬，摩西才容允恁離恁的某。起頭創造的時上帝的意思並毋是按呢。我給恁講，若毋是因為某不貞，猶用得給伊離，若給伊離閣娶別個婦仁人就是犯姦淫。  
(太19:7-9)





門徒給伊講：既然夫婦的關係是按呢，寧可勿愛結婚較好。耶穌給佢講：此個話毋是逐個人攞會當接受，只有有此款恩賜的人才會。有人對出世就無適合結婚；有人是人為的原因膾當結婚；嘛有人是為著天國的緣故無愛結婚。會當接受的人著接受。（太19:10-12）





有人導囡仔來耶穌邊，愛伊給佢按手祈禱。門徒責備許個人。毋拘耶穌講：互囡仔來我邊，毋通給佢阻擋，因為天國是此款人的。伊就給佢按手祝福，然後離開邊。（太19:13-15）




有一遍，有一個人來尋耶穌，對伊講：老師，我著做什麼好事才會當得著**永遠的活命**？耶穌應講：你哪會問我關係好的事？只有一位是好。你若愛進入**永遠的活命**，著遵守誡命。伊問耶穌講：是叨一條誡命？耶穌應講：毋通害死人；毋通姦淫；毋通偷提；毋通作偽證；著孝敬父母；著疼厝邊親像疼家己。（太19:16-19）



此個少年人給伊講：諸個我一直有啲遵守，猶欠什麼？耶穌應講：你若愛做完全的人，你去，去賣你的財產，分互散赤人，你佇天頂就有財寶，然後來隨我。少年人聽著此個話，就憂憂愁愁離開；因為伊財產真多。(太19:20-22)



耶穌就給伊的門徒講：我實在給恁講，好額人入天國實在真困難！我閣給恁講，駱駝穿過針鼻嘛比好額人入上帝國閣較簡單。門徒聽著，真著驚，講：若按呢，什麼人會當得著救？耶穌注目給佢看，講：此個事，人做膾到，毋拘上帝逐項攏會。彼得應講：阮已經放揀一切來隨你啦，阮會得著什麼？（太19:23-27）



耶穌對佢講：我實在給恁講，**將來的新世界**，**人子**坐佇伊榮光的寶座的時，恁隨我的人會坐佇十二個寶座來審判以色列的十二支族。為著我的名放揀家己的厝、兄弟、姊妹、父母、子兒，抑是田園的人，攞會得著百倍的報賞，閣承受**永遠的活命**。總是真多做頭前的會做上路尾；上路尾的會做上頭前。（太19:28-30）




**天國**親像一個園主透早出去倩工人來伊的葡萄園做工。伊及工人約定一日一個銀，就差佢去葡萄園做工。早起時九點左右伊閣出去，看著有一寡人佇市場口啲倚，無代誌做，就對佢講：恁嘛去葡萄園做工，我會互恁公道的工錢。(太20:1-4)





個就去。中晝十二點及下晡三點左右伊閣出去，嘛按呢做。下晡五點，伊閣出去，看著有一寡人倚佇遐，就對個講：恁哪歸日倚佇遮，無代誌做？個給伊講：因為無人倩阮。主人給個講：恁嘛去葡萄園做工。(太20:5-7)




黃昏的時，園主給伊的管家講：你去叫工人來，發工錢互個，對路尾來的先發，然後才發互代先來的。許個下晡五點才來的，逐個人領著一個銀。代先來作工的人想講家已會領較多，毋拘逐個人嘛只有領一個銀。(太20:8-10)




個領了，對主人埋怨，講：諸個最後來的人只有做一點鐘若定，阮互日頭曝歸日，勞苦工作，你竟然互個及阮領平多！主人應其中一個人講：朋友，我對你毋是無公道。你豈毋是及我約定一日一個銀？提你的工錢，轉去！我欲互上尾來的及你領平多。我用家己的物做我愛做的豈膾用得？我慷慨，你啲目眶赤是無？按呢，上路尾的會做第一；第一的會做上路尾。（太20:11-16）





耶穌佇上耶路撒冷路中叫十二個門徒來，私下對個講：今咱欲上耶路撒冷，**人子**會受出賣互祭司長及經學教師。個會給伊定死罪，後來將伊交互外邦人，給伊戲弄，鞭拍，釘十字架；第三日上帝會互伊閣活。(太20:17-19)



彼時，西庇太的某導伊兩個子來見耶穌，跪落去伊面前，求一項代誌。耶穌問伊講：你愛什麼？伊應講：你作王的時，請你互我此兩個子一個坐你的正旁，一個坐你的倒旁。（太20:20-21）



耶穌講： 恁毋知家己啲求什麼。我啲欲飲的杯， 恁會當飲膾？ 佢講： 阮會。耶穌給佢講： 我的杯恁欲飲， 不過坐我的正旁倒旁毋是我會當互人的。我的父為著什麼人準備就互彼個人。（太20:22-23）



其他彼十個門徒聽著，就對彼兩個兄弟受氣。耶穌叫佢來，給佢講：恁知外邦人有統治者啲給佢管轄，有領袖啲給佢支配。恁中間就毋應該按呢。恁中間愛做大的著做恁的差用；愛做第一的，著做恁的僕人；抵親像人子來，毋是欲互人服事，反轉是欲給人服事，甚至犧牲家己的性命來贖回真多人。（太20:24-28）



加利利

猶太

耶路撒冷

耶利哥

佢離開耶利哥的時，有一大群人隨耶穌去。抵有兩個盲人坐佇路邊，聽著耶穌對過經過，就大聲喝：  
**大關的子**，憐憫阮！群眾給佢責備，叫佢恬恬，毋拘佢閣較大聲喝：主——  
**大關的子**，憐憫阮！

(太20:29-31)




耶穌停腳，叫佢，講：  
佢愛我給佢做什麼？  
佢講：主啊，阮愛目矐  
會看見。耶穌可憐佢，  
摸佢的目矐，佢隨時閣  
會看見，就隨伊去。  
(太20:32-34)

# 馬太福音大綱

---


- |                 |            |
|-----------------|------------|
| 一、耶穌基督的家譜及降生    | 1:1-2:23   |
| 二、施洗約翰的工作       | 3:1-3:12   |
| 三、耶穌的洗禮及受試探     | 3:13-4:11  |
| 四、耶穌佇加利利的宣道工作   | 4:12-18:35 |
| 五、加利利到耶路撒冷      | 19:1-20:34 |
| 六、最後一禮拜佇耶路撒冷及附近 | 21:1-27:66 |
| 七、耶穌的閣活及顯現      | 28:1-28:20 |




耶穌及門徒喲欲到耶路撒冷，來到橄欖山附近的伯法其。彼時伊差兩個門徒，給佢講：恁去對面的庄社，到遐隨時會看著一隻驢縛喲，閣有一隻驢仔子及伊佇遐；恁給佢解開，牽來我遮。(太21:1-2)





若有人對恁講什麼，恁就講：主欲用佢。彼個人會隨時准恁牽來。此個代誌發生是欲應驗上帝通過先知所講的話：著給錫安的婦仁人講：看咧恁的王欲來恁遮；伊謙遜騎驢仔，騎驢仔子。(太21:3-5)





門徒就去，照耶穌的指示去做。 佢牽驢仔及驢仔子來，將外衫被  
佢頂面，耶穌就足百起去騎。大部分的群眾將佢家己的外衫鋪  
佢路裡，嘛有人剉樹桎鋪佢路裡給伊歡迎。（太21:6-8）




前行後隨的群眾喝講：**大關的子**，和散那！奉主的名來彼位應該受稱讚！至高的上帝，和散那！耶穌一下進入耶路撒冷，全城攏喊起來，講：此個是啥人？眾人講：此個是對加利利的拿撒勒來的先知耶穌。（太21:9-11）



耶穌入去聖殿，將殿內所有嘞買賣的人攏趕出去，閣揸倒換錢的人的桌及賣粉鳥的人的椅。伊對佢講：聖經有記載：我的厝欲叫做祈禱的殿，恁煞給伊變做土匪仔窟。有盲人及腳跛的人來聖殿尋耶穌，伊就給佢醫好。（太21:12-14）




祭司長及經學教師看著耶穌所行的奇事，閣聽見細漢囡仔佇聖殿大聲喝「**大關的子**，和散那」，就真受氣，給耶穌講：你有聽著個啲喝什麼無？耶穌應講：有。恁豈無讀著聖經的話：你互囡仔及嬰仔的嘴大聲唱出謳佬。（太21:15-16）




後來耶穌離開個，出城去伯大尼，佇遐過暝。（太21:17）



隔早起，欲倒去耶路撒冷的時，耶穌腹肚枵。伊看著路邊有一穢無花果樹，就行倚去，毋拘樹頂攏無看著半項只有葉若定。伊對彼穢樹講：你永遠膾閣結果子。彼穢無花果樹隨時焦去。（太21:18-19）



門徒看著，真著驚，講：此儂無花果樹哪會忽然間焦去？耶穌應講：我實在給恁講，恁若有信心，無懷疑，毋若會當做我對此儂無花果樹所做的代誌，甚至命令此座山講『起來，去填海』嘛一定會實現。祈禱的時，恁所求的一切，有信就會得著。（太21:20-22）




耶穌入去聖殿啲教示人的時，祭司長及民間的長老來伊遇，對伊講：你靠什麼權柄做諸個代誌？什麼人互你此個權柄？耶穌應講：我嘛欲問恁一句話，恁若給我應，我才給恁講我靠什麼權柄做諸個代誌。  
(太21:23-24)



約翰給人洗禮的權柄對叨位來，是對天抑是對人？個互相議論講：咱若講「對天」，伊會給咱講「按呢，恁是按怎無信約翰？咱若講「對人」，恐驚群眾反感，因為個攏想講約翰是先知。  
(太21:25-26)





佢就應耶穌：阮毋知。耶穌給佢講：按呢，我嘛毋給恁講我靠什麼權柄做諸個代誌。(太21:27)





耶穌講：恁想按怎？有一個人有兩個子；伊去給大子講：子啊，你今仔日去葡萄園做工。大子應講『我毋去』，後來改變心意有去。老父嘛去給第二子講像款的話。第二子應講『阿爸，我來去』，後來無去。(太21:28-30)





此兩個子叨一個有照老父的意思去做？佢講：大子。耶穌給佢講：我實在給恁講，貿稅的及娼妓會比恁先進入上帝國。因為施洗者約翰來恁遮，指示恁行正路，恁無信伊，毋拘貿稅的及娼妓有信。甚至恁看著了後嘛無悔改來信伊。（太21:31-32）





耶穌給個講：恁閣聽一個譬喻。有一個園主開墾一坵葡萄園，四面圍籬笆，內面挖一個酒窟，起一個守望台，將此坵園租互佃農，後來出外去真遠的所在。（太21:33）




收成果子的時到，園主差僕人去佃農邊，欲對佃收果子。佃農給諸個僕人掠起來，一個給伊拍，一個給伊剖死，一個用石頭給伊攪死。  
(太21:34-35)




園主閣差另外一寡僕人去，比頭一遍較多人。佢農嘛照按呢對待  
佢。最後，園主差家己的子去佢邊，想講『佢會尊重我的子』。  
(太21:36-37)




毋拘佃農一下看著伊的子就參詳講：此個是伊的繼承人。來，咱來給剖死，通得伊的財產！佢就給伊掠起來，扞出去葡萄園的外面，給伊剖死。按呢，葡萄園的主人倒來的時會按怎處理許個佃農？佢給耶穌講：伊一定會將許個歹人徹底消滅，將葡萄園租互別個會照季節納果子租的佃農。（太21:38-41）



耶穌給個講： 恁豈毋曾讀著聖經有記載： 起厝師傅所棄揀的石， 已經成做上重要的基石。這是主的作為，對咱來看實在真奇妙！所以，我給恁講，上帝會將**上帝國**對恁搶起來，交互會結果子的人。彼個摔落去此塊石頭頂的人，會摔甲碎骨分屍；互彼塊石頭砬著的人，會砬甲碎糊糊。（太21:42-44）




諸個祭司長及法利賽派的人聽著耶穌的譬喻，知影伊是啲講個。  
佢就尋孔縫欲給伊掠，毋拘驚群眾，因為佢看伊是先知。  
(太21:45-46)




耶穌閣用譬喻給佢講：**天國**通譬喻做一個國王給伊的子辦婚宴。伊差僕人去叫所請的人客來赴婚宴，不過佢毋來。國王閣差其他的僕人，給佢講：恁去給許個受邀請的人講，我的宴席已經準備好勢；我的牛及肥的牛仔子嘛已經劊，一切攏準備好勢啦，請恁來赴婚宴。(太22:1-4)


毋拘許個受邀請的人無看做要緊，做個去；一個去園裡做工；一個去做生理；其他的掠伊的僕人，給個凌辱，續給個剖死。國王非常受氣，就派兵去剿滅許個兇手，放火燒個的城。  
(太22:5-7)




然後伊給僕人講：婚宴準備好啦，毋拘所邀請的攏不配互咱請。所以，恁去街路口，抵著的人攏給個請來赴婚宴。許個僕人就出去街裡，抵著的無論好人歹人攏給個請來；婚宴的所在人客就坐到滿滿。  
(太22:8-10)





國王入來看許個人客，  
看著佇遐有一個人無穿  
婚宴的禮服，就給伊問：  
朋友啊，你入來遮哪無  
穿婚宴的禮服？彼個人  
攏無應。國王就對差用  
的講：腳手給縛起來，  
給伊抗出去外面烏暗的  
所在。佇遐，伊會啼哭，  
咬牙切齒。受呼召的真  
多，毋拘受揀選的真少。  
(太22:11-14)







法利賽派的人出去，做夥參詳欲按怎掠耶穌的話縫通給伊陷害。個差家己的門徒及希律黨的人去耶穌遐，對伊講：老師，阮知你真誠實，照實將上帝的道理教示人，無論什麼款人，你對待個攏無差別。納稅互羅馬皇帝凱撒有合律法無？請給阮講你的想法啥款。  
(太22:15-17)



耶穌知影佢的惡意，就對佢講：假好的人，是按怎欲給我試探？提一個納稅的銀幣互我看。佢就提一個銀幣互伊。耶穌問佢：這是什麼人的像，什麼人的字號？（太22:18-20）



佢講：凱撒的。耶穌就給佢講：按呢，凱撒的物互凱撒；上帝的物互上帝。佢聽了真著驚，就離開。（太22:21-22）




像彼日，一寡主張無閣活的撒都該派的人來耶穌邊，問伊講：老師，摩西講：有人無生子就死去，小弟著娶兄嫂替兄哥傳宗接代。  
(太22:23-24)



以前阮遮曾有七個兄弟；上大的結婚，無留後代就死去，放某互小弟。第二的，第三的，到第七的攏像款。佢攏死了後，彼個婦仁人嘛死去。按呢，閣活的時，此個婦仁人是此七個人中間叨一個的某？因為佢攏曾娶伊。（太22:25-28）




耶穌應講：恁毋著。恁毋識聖經，嘛毋識上帝的權能。因為閣活的時，個及天頂的天使像款，無嫁無娶。關係死人閣活的事，恁豈無讀著上帝對恁講的話：我就是亞伯拉罕的上帝，以撒的上帝，雅各的上帝？伊毋是死人的上帝，是活人的上帝。群眾一下聽著，對伊的教示感覺真著驚。(太22:29-33)



法利賽派的人聽著耶穌互撒都該派的人無話通應，就聚集做夥。其中有一個律法教師來問一個問題，欲給伊試探，講：老師，摩西的律法叨一條是上大的誡命？耶穌應講：你著全心、全情、全意疼主 — 你的上帝。這是上大閣第一的誡命。第二的嘛像款：著疼厝邊親像疼家己。全部律法及先知的教示，攏用此兩條做根據。  
(太22:34-40)



法利賽派的人聚集的時，耶穌問佢： 關係**基督**，伊是什麼人的後代，佢想按怎？佢講：伊是**大關的後代**。耶穌對佢講：若是按呢，是按怎大關受聖神感動的時稱**基督**做主，講：主給我的主講：你坐我的正旁，到我互你的對敵屈服佇你腳下。既然大關稱呼**基督**做「主」，**基督**哪會是**大關的後代**？無人會當回答半句。對彼日起，無人敢閣給伊問什麼問題。（太22:41-46）




後來，耶穌對群眾及伊的門徒講： 經學教師及法利賽派的人坐摩西的位解說律法。所以，佢所給恁講的，恁攞著做，著遵守；不過毋通學佢的行為，因為佢會講膾做。佢將人擔無法的重擔捆互人擔，家己連一支指頭仔都毋肯振動。(太23:1-4)

個所有的行為攞是欲做互人看，  
因為個將家己的經文袋做較闊，  
衫仔裾的鬚做較長。個愛佇宴  
會坐大位，佇會堂坐高位，佇  
市場口互人請安，互人稱呼  
『拉比』。(太23:5-7)






毋拘恁毋通互人稱做『拉比』，因為恁只有一位『老師』，恁攏是兄弟姊妹。佇地上，恁毋通稱呼人做『老父』，因為恁只有一位『老父』，就是佇天頂彼位。恁嘛毋通互人稱做『教師』，因為恁只有一位『教師』，就是**基督**。恁中間上大的著做恁的差用。提高家己的，會受降低；屈低家己的，會受高升。(太23:8-12)




假好的經學教師及法利賽人，恁慘啊！恁將天國的門關起來，毋互人入去；恁家己毋入去，連欲入去的人嘛毋互個入去。假好的經學教師及法利賽人，恁慘啊！恁為著欲互一個人改宗入教，天邊海角行透透。彼個人入教了後，恁煞互伊變做地獄的子，比恁重倍歹。  
(太23:13-15)




睛睜做導路的，恁慘啊！恁講：人指聖殿咒誓無准算，毋拘若指殿內的金器咒誓就著守。恁諸個棟戇閣睛睜的人啊，叨一項較重要？是法器抑是互法器成做神聖的聖殿？恁閣講：人指祭壇咒誓無准算，若指祭壇頂的祭物咒誓就著守。（太23:16-18）




恁諸個睛瞑的人啊，是祭物抑是互祭物成做神聖的祭壇，叨一項較重要？所以，人指祭壇咒誓，就是指祭壇及彼頂面所有的祭物咒誓。人指聖殿咒誓，就是指聖殿及1店佇彼內面的上帝咒誓。人指天咒誓，就是指上帝的寶座及坐佇彼頂面的上帝咒誓。  
(太23:19-22)




假好的經學教師及法利賽人，恁慘啊！因為恁連芳料、薄荷、八角、小茴香都獻十分一互上帝，律法所重視的正義、仁慈，及信實，恁顛倒忽略。諸個才是恁應該實行的；頂面許個嘛毋通忽略。恁諸個睛暝做導路的，一隻細隻蠓蟲恁都給濾出來，駱駝顛倒歸隻給吞落去。(太23:23-24)



假好的經學教師及法利賽人，恁慘啊！因為恁將杯及盤的外面洗清氣，內面卻貯滿貪慾及放縱。恁諸個睛瞶的法利賽人啊，著先給杯的內面洗清氣，外面自然就清氣。假好的經學教師及法利賽人，恁慘啊！因為恁親像漆白白的墓，外面好看，內面卻貯滿死人的骨頭及逐項的污穢。恁嘛親像按呢，外面互人看做義人，內面卻充滿假好及不法。(太23:25-28)



假好的經學教師及法利賽人，恁慘啊！因為恁造先知的墓，整修義人的紀念碑，閣講『阮若活佇阮祖先的時代，一定艱及個做夥殺害先知』。按呢，恁是啲證實恁家己是殺害先知的人的子孫。恁祖先做的歹代，做恁去完成好啦！恁諸個毒蛇的子孫，奸鬼的人啊，恁豈會當逃閃地獄的刑罰？（太23:29-33）





所以，我欲差先知、智慧的人，及經學教師去恁遐；佢有的會互恁殺害抑是釘十字架，有的會互恁佇恁的會堂鞭拍，互恁對此個城趕到彼個城。按呢，恁佇地上剖死義人的血債攞歸佇恁身上；就是對義人亞伯流的血到比利加的子撒迦利亞佇聖所及祭壇的中間流的血，攞歸佇恁身上。我實在給恁講，諸個債攞會歸佇此世代的人。


(太23:34-36)




路撒冷啊，耶路撒冷啊，你剖死先知，閣用石頭扰死上帝差來你遮的使者。我佢多遍愛欲聚集你的子兒，親像雞母聚集雞仔子給佢攔佇翼股下，恁攏無愛！恁看，恁的厝會荒廢，無人住。我給恁講，對今以後恁絕對看爿著我，直到恁講：奉主的名來彼位應該受稱讚！（太23:37-39）



耶穌對聖殿出來，抵欲離開的時，門徒倚來，報伊看聖殿的建築物。耶穌給佢講：諸個恁豈毋是攏有看著？我實在給恁講，佇遮一切攏會受拆毀，拆甲無兩塊石相疊。（太24:1-2）





耶穌佇橄欖山頂啲坐的時，門徒私下來問伊：請給阮講，此個代誌什麼時會發生？你的來臨及今世的結局有什麼兆頭？（太24:3）




耶穌應講：著謹慎，才免受迷惑。因為有真多人會利用我的名來，講「我就是**基督**」來迷惑真多人。佢會聽著戰爭以及戰爭的風聲。著謹慎，毋免驚。諸個代誌一定會發生，毋拘終局猶未到。


(太24:4-6)



因為民族會起來攻擊民族，國家攻擊國家；真多所在有飢荒及地動。這一切的代誌不過是催陣痛疼的開始。彼時，恁會互人掠去，受苦楚，殺害；恁會因為我的名互萬民怨恨。（太24:7-9）



彼時，真多人會失去信心，互相出賣，彼此怨恨。有真多假先知會出現來迷惑真多人。不法的代誌愈加添，真多人的疼心會漸漸冷淡。毋拘忍耐到最後的人會得著救。(太24:10-13)




此個**天國**的福音會傳到普天下，對萬民做見證，最後終局才會到。  
(太24:14)



所以，當恁看著上帝通過先知但以理所講彼個『可惡的毀滅者』倚佇神聖的所在——讀的人著明白此句話的意思——彼時佇猶太的人著逃走去山內；佇厝頂的，毋通落來提厝內的物；佇園裡的，毋通轉去掖外衫。佇許個日子，有身孕的及互嬰仔食奶的婦仁人非常不幸！(太24:15-19)




著祈禱，恁才免佇冬天抑是安歇日逃難。因為佇許個日子啲欲有大災難，是創造宇宙以來毋曾有的，將來嘛膾閣有。上帝若無減少許個日子，無人會得著救；毋拘為著伊的選民，上帝會減少許個日子。(太24:20-22)



彼時，若有人給恁講『恁看，**基督**佇遮』，抑是講『伊佇遐』，毋通相信。因為有一寡假基督及假先知會出現，行大神跡及奇事來迷惑人，若會當，連選民都欲給佢迷惑。我已經先給恁講啦。

(太24:23-25)



所以，若有人給恁講「恁看，**基督**佇曠野」，毋通出去；抑是講「恁看，伊佇房間內」，嘛毋通相信。熠爕對東旁熠到西旁，人子的來臨嘛會親像按呢。屍體佇叨位，禿頭鷹攏會擒倚去遐。



(太24:26-28)




此個災難的日子一下過去，日會變烏暗，月膾發光，星會對天頂落落來，天頂的光體攏會搖油。彼時，人子的兆頭會佇天頂出現。地上萬族萬民攏會啼哭；佢會看見人子充滿權能及大榮光坐天頂的雲來臨。伊會差伊的天使歎響亮的喇叭，對天的此旁到天的彼旁，對四方聚集伊的選民。(太24:29-31)



著對無花果樹學習：枝茁芽發葉的時，恁就知熱天啲欲到啊。親像按呢，恁看著這一切的代誌的時就知人子已經接近，到門口啦。我實在給恁講，此世代猶未過去，這一切攞會發生。天及地會消失，毋拘我的話絕對殮消失。（太24:32-35）



關係彼個日，彼個時，無人知；天頂的天使毋知，子嘛毋知，只有父知若定。因為人子的來臨嘛會親像挪亞的時的情境。大水來以前到挪亞進入大船彼日，人照常飲食嫁娶。佢糊里糊塗攏毋知，大水忽然來，給佢攏沖走。人子的來臨嘛會按呢。(太24:36-39)




彼時，有兩個人佇園裡，一個受接去；一個放啲。兩個婦仁人佇挨磨間啲挨石磨，一個受接去；一個放啲。著警醒，因為恁毋知恁的主什麼日會來臨。恁著知，此家的主人若知暗時幾點賊仔會來，一定會警醒，儻互賊仔挖壁孔入來厝內。所以，恁嘛著準備便便，因為人子會佇恁想儻到的時陣來臨。（太24:40-44）




若是按呢，什麼人是忠實閣聰明的僕人？就是主人交代伊管家內其他的僕人，照時分食物互個彼個人。主人轉來的時看著有照按呢啲做彼個僕人實在有福氣！我實在給恁講，主人會派此個僕人管理伊攏總的財產。（太24:45-47）



彼個歹的僕人若心內想講『我的主人猶赫緊轉來』，就拍平平做僕人的，閣及酒醉的做夥亦飲亦食。主人會佇伊無按算的日，毋知的時轉來。主人會嚴嚴給伊處罰，給伊及假好的人下做堆；佇遐個會啼哭，咬牙切齒。（太24:48-51）



**天國**通譬喻做十個在室女擲燈出去迎接新郎。其中有五個蠢的，五個巧的。許個蠢的擲燈，無另外帶油，毋拘巧的擲燈，有另外帶幾若罐油。(太25:1-4)




新郎較晏到，佢煞攞咗佢睇去。半暝，有人大聲喝：新郎來啦，出來迎接！（太25:5-6）




彼時，許個在室女攏醒起來，修整個的燈。蠢的給巧的講：阮的燈啲欲化去啦，恁的油分一寡互阮。巧的應講：驚了油無夠分恁用，上好恁家己去給賣油的買。(太25:7-9)



個去買的時新郎到位，許個準備好勢的及伊入去赴婚宴，門就關起來。（太25:10）



後來許個蠢的在室女嘛來，講：先生，先生，請給阮開門！新郎應講：我實在給恁講，我毋識恁！所以，著警醒，因為彼個日彼個時恁毋知。（太25:11-13）



**天國**親像有一個人欲出外旅行，叫家己的僕人來，將財產交代個。伊照逐人的才調交金幣互個，一個五千，一個兩千，一個一千，就出外去。


(太25:14-15)



彼個領五千的隨時提去做生理，閣賺五千。像款，彼個領兩千的嘛閣賺兩千。毋拘彼個領一千的出去，佇土腳挖一孔，給主人的金幣藏起來。（太25:16-18）




過真久，許個僕人的主人轉來，及個算賬。彼個領五千的行進前，另外提五千來，講：頭家，你交代我五千個金幣，請看，我有閣賺五千。(太25:19-20)



主人給伊講：真好，好閣忠實的僕人，你既然佇少的有忠實，我欲派你管較多的；入來及主人做夥歡喜。(太25:21)




領兩千的嘛來，講：頭家，你交代我兩千個金幣，請你看，我有閣賺兩千。(太25:22)




主人給伊講：真好，好閣忠實的僕人，你既然仔少的有忠實，我欲派你管較多的；入來及主人做夥歡喜。（太25:23）




此時，彼個領一千的嘛行進前，講：頭家，我知你是嚴轄的人，無撒種嘛欲收割，無種作嘛欲收成。我真驚，才將你的金幣提去藏佇土腳底。今你的金幣還你。（太25:24-25）



主人應講：歹閣貧憚的僕人，你既然知我無撒種嘛欲收割，無種作嘛欲收成，你應該將我的金幣寄銀行，我轉來的時通連本帶利收回。（太25:26-27）




給伊的金幣提來，交互有一萬金幣彼個人。因為有的，欲互伊閣較多，甚至有賭；無的，連伊所有的嘛欲給伊搶起來。此個無路用的僕人，給伊趕出去外面烏暗的所在；佇遐伊會啼哭，咬牙切齒。(太25:28-30)



人子作王導眾天使來臨的時，伊會坐佇榮耀的寶座。地上萬民攏會聚集佇伊的面前。(太25:31-32上)




伊會將個分做兩旁，親像牧者將綿羊及山羊分開； 給綿羊安排佇正旁，山羊佇倒旁。(太25:32下-33)





後來，王會給正旁的人講：來，恁諸個受我的父祝福的，來承受對創造宇宙以來就為著恁準備的國度。因為我枵，恁有互我食；我嘴焦，恁有互我飲；我作出外人，恁有給我收留；我赤身露體，恁有互我穿；我破病，恁有給我照顧；我佇監裡，恁有來探我。


(太25:34-36)



彼時，義人會應伊講：主啊，什麼時阮看著你枵有互你食，嘴焦有互你飲？（太25:37）



什麼時阮看著你作出外人有給你收留，赤身露體有互你穿？什麼時阮看著你破病抑是佇監裡，阮有去探你？王會應講：我實在給恁講，恁有按呢對待我兄弟姊妹上微細的一個，就是好款待我。  
(太25:38-40)





後來，王會給倒旁的人講：恁諸個受咒詛的人，離開我，入去為著魔鬼及伊的使者所準備永遠的火裡。因為我枵，恁無互我食；我嘴焦，恁無互我飲；我作出外人，恁無給我收留；我赤身露體，恁無互我穿；我破病抑是佇監裡，恁無來探我。（太25:41-43）



彼時，佢嘛會應講：主啊，什麼時阮看著你枵，嘴焦，作出外人，赤身露體，破病，抑是佇監裡，無給你照顧？（太25:44）



王會給個講：我實在給恁講，恁無按呢對待上微細的一個，就是無好款待我。諸個人會受永遠的刑罰，總是義人會得著**永遠的活命**。  
(太25:45-46)



耶穌講諸個話了後給伊的門徒講： 恁知閣兩日就是躑過節，人子會受出賣互人釘十字架。(太26:1-2)



彼時，祭司長及民間的長老聚集於大祭司該亞法的公館。個參詳欲用計謀掠耶穌，給伊害死。毋拘個講：毋通於節期中，驚了民眾起暴動。(太26:3-5)




耶穌佇伯大尼痲瘋病人西門的厝啲坐桌食飯的時，有一個婦仁人提一罐玉瓶，內面貯非常高貴的芳油，行倚來，將芳油倒佇耶穌的頭殼頂。

(太26:6-7)





門徒看著真受氣，講：哪著即浪費？此罐芳油會當賣真多錢來救濟散赤人。(太26:8-9)





耶穌知影，就對佢講：恁哪欲刁難此個婦仁人？伊有為著我做一項好事。不時有散赤人及恁做夥，不過我膾不時及恁做夥。伊倒芳油佇我的身軀是給我準備埋葬。（太26:10-12）





我實在給恁講，此個福音無論傳到全世界什麼所在，人攏會講起此個婦仁人所做的代誌來記念伊。(太26:13)




十二使徒的一個，叫做以斯加略的猶大，去見許個祭司長，講：我若將耶穌交互恁，恁欲互我什麼？佢就提三十個銀仔互伊。彼時起，猶大一直啲尋機會欲出賣耶穌。（太26:14-16）





除酵節的頭一日，門徒來問耶穌：你愛阮佇叨位給你準備食躑過節的晚餐？耶穌講：恁入城去尋彼個某人，給伊講：老師講：我的時已經到，我欲及我的門徒佇你的厝守躑過節。（太26:17-18）



門徒就照耶穌的吩咐去準備逾越節的晚餐。（太26:19）




黃昏的時，耶穌及十二使徒坐桌。佢啲食飯的時，耶穌講：我實在給恁講，恁中間有一個人欲給我出賣。佢真傷心，一個一個給伊問：主啊，毋是我乎？耶穌應講：伸手及我像時提食物佇盤裡啲搵彼個人欲給我出賣。（太26:20-23）




照聖經所記載，人子會受害，不過出賣人子彼個人慘啊！彼個人寧可無出世較好。出賣耶穌的猶大嘛給伊問：拉比，毋是我乎？耶穌應講：這是你講的。（太26:24-25）



個啲食的時，耶穌提餅，感謝了後擘開，分互門徒，講：提去食；這是我的身軀。（太26:26）




然後伊捧杯，感謝了後提互門徒，講：恁攏著飲此杯，因為這是我的血，是立約的血，為著真多人流出的，欲互個的罪得著赦免。  
(太26:27-28)




我給恁講，佇我的父的國及恁飲新的葡萄酒彼日以前，我絕對  
膾閣飲此個酒。(太26:29)






耶穌給佢講：今暎恁攞會放揀我，因為聖經有記載：我欲拍牧者，歸群羊就四散。毋拘我閣活以後會比恁先去加利利。（太26:31-32）




彼得對耶穌講：雖然佢大家攞放揀你，我絕對擔放揀你！耶穌給伊講：我實在給你講，今暝雞啼以前，你會三遍毋認我。彼得應講：若一定著及你做夥死，我嘛絕對擔毋認你！其他的門徒嘛攞按呢講。  
。（太26:33-35）





後來，耶穌及門徒來到一個所在叫做客西馬尼。伊給門徒講：我去遐祈禱，恁1店遮坐。伊就導彼得及西庇太的兩個子做夥去。伊悲傷，非常痛苦，對佢講：我心憂傷到欲死。恁1店遮，及我做夥警醒。(太26:36-38)



伊行較進前，面仆落去，祈禱講：我的父啊，若會當，求你互我免飲此個杯，毋拘毋是照我的意思，著照你的旨意實現。（太26:39）





伊轉來門徒遐，看著佢啲睇，就對彼得講：佢真正膾當及我警醒一點鐘久是無？著警醒，著祈禱，才膾陷落誘惑。佢雖然心真意愛，毋拘肉體軟弱。（太26:40-41）



耶穌第二遍閣去祈禱，講：我的父啊，此個杯若艱當免，我一定著飲，願你的旨意實現。伊閣轉來，看著佢因為目睺澀猶啲睏。


(太26:42-43)




耶穌閣離開佢，第三遍去祈禱，嘛是講像款的話。然後伊閣轉來門徒遐，對佢講：恁猶啲睏，猶啲歇睏噢？恁看，時間接近啦；**人子**受出賣交仔罪人的手頭啦。起來，咱來去。恁看，出賣我的人來啦。  
(太26:44-46)



耶穌猶啲講的時，十二使徒的一個 — 猶大來，祭司長及民間的長老派來的一大陣人擲刀擲棍及伊鬥陣來。出賣耶穌彼個人有互個一個暗號，講：我給伊嚟彼個就是；恁給掠。（太26:47-48）



猶大隨時行倚耶穌，對伊講：拉比，平安！就給伊啞。耶穌給伊講：朋友，你哪佇遮？許個人就倚去，下手掠耶穌。（太26:49-50）




忽然，有一個及耶穌鬥陣的人伸手拔刀對大祭司的僕人刺落去，給伊一旁的耳仔削起來。耶穌給伊講：刀收起來，因為擲刀的攏會死佇刀下。你想講我膾當懇求我的父，隨時差十二營較加的天使來是無？我若按呢做，聖經所記載一定著發生的代誌哪會應驗？

(太26:51-54)



時耶穌對群眾講： 恁擲刀擲棍出來掠我，是欲掠強盜是無？我逐日佇聖殿坐啲教示人，恁無給我掠。不過這一切的代誌攞已經實現，是欲應驗先知佇聖經所講的話。然後，所有的門徒攞放掠耶穌逃走。  
(太26:55-56)



大祭司府邸

聖殿


客西馬尼園

最後晚餐



汲淪溪

橄欖山


許個掠耶穌的人給伊導去大祭司該亞法遇；  
經學教師及長老攏已經聚集佇遇。(太26:57)



彼得離遠遠啲隨耶穌，隨到大祭司公館的埗。伊入去內面及警衛做夥坐，欲看代誌的結局。祭司長及全議會一直啲尋假證據欲告耶穌，通給伊處死。雖然有真多人出來給伊誣告，毋拘佢攞尋無證據。後來有兩個人出來，講：此個人曾講『我有法度毀壞上帝的聖殿，三日內閣給伊起起來』。(太26:58-61)



大祭司倚起來對耶穌講：諸個人啲給你告什麼，你哪攏無答辯？毋拘耶穌攏恬恬。大祭司閣一遍對伊講：我指永遠活的上帝命令你給阮講，你是**基督**，**上帝的子**抑毋是。（太26:62-63）




耶穌應講：你已經講啦。毋拘我給恁講，對今以後恁會看見**人子**坐佇全能者的正旁，坐天頂的雲來臨。大祭司就拆裂家己的外衫，講：伊已經褻瀆上帝。咱猶需要什麼證人？今恁已經有聽著伊褻瀆上帝。恁想按怎？佢應講：伊該死！（太26:64-66）




後來個呖涎佇耶穌的面，給伊掙，閣有人給伊搨，講：**基督**啊，你是先知，給阮講看覓，啥人給你拍？（太26:67-68）





彼得佇公館外面的埕啲坐，有一個女婢行倚去，講：你嘛攏有啲及彼個加利利人耶穌做夥。彼得佇眾人的面前毋認，講：我毋知你啲講什麼。(太26:69-70)



彼得行出去到大門口的時，有另外一個奴婢看著伊，就給佇邊的人講：此個人有啲及拿撒勒人耶穌做夥。彼得閣一遍咒誓毋認，講：我毋識彼個人。(太26:71-72)



過無偌久，倚佇邊仔的人倚來，對彼得講：你確實嘛是佢彼陣的人，聽你的腔就知。伊就咒誓講：我毋識彼個人。我若講白賊，願天責罰我！雞隨時啼。(太26:73-74)




彼得想著耶穌所講的話「雞啼以前，你會三遍毋認我」，就出去外面大聲啼哭。（太26:75）




透早，所有的祭司長及民間的長老門陣參詳欲陷害耶穌，給伊處死刑。佢給耶穌縛起來，押去交互羅馬總督彼拉多。(太27:1-2)



出賣耶穌的猶大看著耶穌已經受定罪，就後悔，提彼三十個銀仔去還互許個祭司長及長老，講：出賣無辜的人，我有罪啦！佢應講：無阮的代誌，你家己負責！（太27:3-4）





猶大將許個銀仔抗佇聖殿的內面就離開，去吊死。（太27:5）





個祭司長將銀仔拾起來，講：這是血錢，無應該因入聖殿的金庫。個參詳了，決定用諸個錢去買燒瓷人的園，通埋葬出外人。所以彼個園到今仔日猶叫做血園。此個代誌應驗上帝通過先知耶利米所講的話：個提彼三十個銀仔，就是以色列人為著伊估計的價錢，照主所命令我的，去買彼坵燒瓷人的園。(太27:6-10)





耶穌倚佇總督的面前，總督問伊講：你是猶太人的王是無？耶穌應講：這是你講的。許個祭司長及長老控告耶穌的時，伊攏無應。後來彼拉多對伊講：佢給你控告即多項代誌，你豈無聽見？耶穌猶原無給伊應，連一句嘛無，總督煞感覺非常奇怪。(太27:11-14)



逐年的躉過節，照慣例總督攏有放一個群眾愛放的犯人。彼時抵好有一個大家攏識的犯人，名叫做耶穌·巴拉巴。(太27:15-16)





所以，群眾聚集的時，彼拉多問個講：恁愛我放叨一個互恁？耶穌·巴拉巴，抑是稱做**基督**的耶穌？（太27:17）




彼拉多知佢是因為怨妒才將耶穌交互伊。彼拉多開庭審問的時，伊的夫人差人來給伊講：彼個義人的代誌，你千萬毋通插；昨暗我佇眠夢中因為伊受真多苦。(太27:18-19)



許個祭司長及長老煽動民眾，教佢著要求放巴拉巴，給耶穌處死刑。總督閣問佢：此兩個人恁愛我放叨一個互恁？佢應：巴拉巴！彼拉多問佢：按呢，彼個稱做**基督**的耶穌，恁愛我按怎處理？群眾攏應：給釘十字架！（太27:20-22）




彼拉多講：是佢怎？伊有做什麼歹代誌？佢閣較大聲喝：給釘十字架！彼拉多看已經無採工，強欲引起暴動，就提水佇群眾面前洗手，講：恁家己負責。民眾攏應講：此個人的血債，阮及阮的子孫來承擔。彼拉多就放巴拉巴互佢，閣命令人用鞭拍耶穌，然後交伊去釘十字架。（太27:23-26）




總督的兵士押耶穌入去總督府，召集全隊的兵給伊圍起來。佢將耶穌的衫褪起來，給伊穿朱紅色的長袍，閣用刺仔編一頂王冠給戴佢頭殼頂，將一支蘆竹仔互伊擲佢正手。佢閣跪佢伊的面前戲弄，講：猶太人的王萬歲！（太27:27-29）




個閣給伊呖嘴涎，擲彼支蘆竹仔摔伊的頭殼。個給伊戲弄了後，將彼領長袍給褪起來，閣將伊家己的衫給穿倒轉去，然後交伊去釘十字架。(太27:30-31)



個出去的時抵著一個古利奈人，名叫做西門。個強迫伊攞耶穌的十字架。(太27:32)




個到一個所在叫做各各他，就是「頭殼碗嶺」，就用摻苦膽的酒互耶穌飲；伊啖一下，毋飲。兵士釘耶穌佇十字架了後抽籤分伊的衫，然後坐佇遐顧守。個佇伊的頭殼頂釘一個罪狀，寫講：此個是猶太人的王耶穌。（太27:33-37）




有兩個強盜及耶穌做夥釘十字架，一個佇正旁，一個佇倒旁。對過經過的人給伊侮辱，搖頭，講：你此個人，講欲拆毀聖殿三日內閣起起來，著救你家己。你若是**上帝的子**，著對十字架落來！


(太27:38-40)




祭司長、經學教師，及長老嘛攏按呢給伊恥笑講：伊救別人，無法度救家己。伊是以色列的王，現在著對十字架落來，咱就信伊。伊信靠上帝；上帝若欲救伊，現在著救伊，因為伊講：我是上帝的子。及耶穌做夥釘十字架彼兩個強盜嘛全款給伊侮辱。（太27:41-44）



對中晝起續到下晡三點，全地攏烏暗。（太27:45）





下晡三點左右，耶穌大聲喝：以利，以利，拉馬撒北大尼？意思是我的上帝，我的上帝，你是按怎放揀我？（太27:46）





有一寡倚佇遐的人聽著，講：此個人啲叫以利亞。其中有一個人隨時走去提海綿，浸酸酒，縛仔蘆竹仔尾，抹去互耶穌味。其他的人講：等一下！看以利亞會來給伊救贖。耶穌閣大聲喝一聲，氣就斷。  
(太27:47-50)




忽然，聖殿內的帳簾對頂到下裂做兩旁；地大振動，石磐爆裂；  
(太27:51)




墓嘛開；有真多已經死去的上帝子民的屍體攏閣活起來。耶穌閣活以後許個人對墓出來入去聖城，出現互真多人看見。（太27:52-53）




彼個軍官及做夥顧守耶穌的兵士看著地動及所發生的代誌，非常驚惶，講：此個確實是**上帝的子**！佇遐有真多婦仁人對遠遠啲看；佢是對加利利隨耶穌來侍候伊的，其中有末大拉的馬利亞、雅各及約瑟的老母馬利亞、閣有西庇太兩個子的老母。（太27:54-56）



黃昏的時，有一個亞利馬太的好額人來，伊名叫做約瑟，嘛是耶穌的門徒。此個人去見彼拉多，請求將耶穌的遺體互伊。彼拉多就吩咐人將遺體互伊。(太27:57-58)



約瑟給耶穌的遺體收落來以後，用清氣的幼麻布包起來，然後給伊安葬佇家己的新墓，就是約瑟拍佇石壁裡的墓。伊閣翻一塊大塊石來塞佇墓口才離開。彼時，有末大拉的馬利亞及別個馬利亞佇遐，坐佇墓的對面。（太27:59-61）



隔日，就是備辦日後彼日，許個祭司長及法利賽派的人做夥去見彼拉多，講：大人，阮會記得彼個論仙仔猶活啲的時曾講：三日後，我會閣活。所以，請你下令嚴守墳墓到第三日，才膽互伊的門徒來偷提伊的身屍，煞給民眾講『伊已經對死人中閣活』。若按呢，此個最後的欺騙會比頭一遍的閣較嚴重。（太27:62-64）



彼拉多給佢講：恁導衛兵去，盡所會嚴密顧守彼個墓。佢就去，用封條封彼塊石頭，留衛兵佇遐顧守。（太27:65-66）

# 馬太福音大綱

---

- |                 |                   |
|-----------------|-------------------|
| 一、耶穌基督的家譜及降生    | <b>1:1-2:23</b>   |
| 二、施洗約翰的工作       | <b>3:1-3:12</b>   |
| 三、耶穌的洗禮及受試探     | <b>3:13-4:11</b>  |
| 四、耶穌佇加利利的宣道工作   | <b>4:12-18:35</b> |
| 五、加利利到耶路撒冷      | <b>19:1-20:34</b> |
| 六、最後一禮拜佇耶路撒冷及附近 | <b>21:1-27:66</b> |
| 七、耶穌的閣活及顯現      | <b>28:1-28:20</b> |





安歇日過了，禮拜日天欲光的時，末大拉的馬利亞及別個馬利亞去探墓。忽然，有大地動，因為主的一個天使對天降臨，將彼塊石頭翻開，坐佇彼頂面。伊的面貌親像熠燼，伊的衫親像雪赫呢白。許個顧守的衛兵驚甲皮皮憊，煞變做親像死人。(太28:1-4)



彼個天使給許個婦仁人講：毋免驚；我知恁啲尋互人釘十字架的耶穌。伊無佇遮，照伊所講，伊已經閣活。來，來看伊倒的所在。恁趕緊去給伊的門徒講：伊已經對死人中閣活啦。伊比恁先去加利利，佇遐恁會見著伊。著會記得我已經有給恁講啦。（太28:5-7）



個就趕緊離開墓，也驚也大歡喜，走去給耶穌的門徒講。忽然，耶穌出現，對個講：大家平安！個行進前攬伊的腳，給伊拜。耶穌給個講：毋免驚！去給我的兄弟講，叫個去加利利，佇遐個會見著我。  
。（太28:8-10）



許個婦仁人離開的時，有一寡顧守墓的衛兵入去城內，將所發生的代誌攞給祭司長報告。祭司長及長老聚集參詳了後，提真多銀仔互許個兵，講：恁著按呢講：伊的門徒暗時來，佇阮啲暍的時將伊的身屍偷提去。萬一總督聽著此個代誌，阮會去給伊安搭，包恁無代誌。衛兵就提許個銀仔照個所吩咐的去做。此個代誌到今仔日猶佇猶太人的中間啲流傳。(太28:11-15)



十一個門徒去加利利，到耶穌指定個去彼座山頂。個見著耶穌就給伊拜，不過有人猶啲懷疑。（太28:16-17）



耶穌行倚去給個講：上帝已經將天頂地下一切的權柄攞互我。所以，恁著去招萬民來做門徒，給個洗禮，互個歸佇父、子、聖神的名，教示個遵守我所互恁一切的命令。著會記得，我逐日及恁同在，直到今世的結束。(太28:18-20)

# 參考資料

---

台語聖經 (現代台語漢字譯本)

台灣聖經公會授權

- 天國門徒訓練講義

- 免費聖經圖片

- 聖經簡報站

- 畫說聖經